

IMAQARNILIAQ AIA - Aningaasaqarnermut Inuussutissarsionermullu Ataatsimiititaq 20-05-2019

Ulloq ataatsimiiffissaq Mandag 20. maj 2019 kl. 18:00

Ataatsimiiffissaq Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Siulittaasumit nalunaarutit.....	5
Ilisimatitsissutit.....	6
Pitsaaliuineramik aamma ikiorsiissuteqartarnermik immikkoortoqarfiit inissisimaffii.....	7
Tasiilami nunaqarfiinilu meeqqerivinnut isaatitsineq pillugu ilisimatitsissut.....	11
Aalajangiiffigisassat.....	14
Suliat Kommunalbestyrelsimut ingerlateqqitassat.....	15
Ulluunerani neqeroorutini inissanik qulakkeerinnineq pillugu ilisimatitsissut.....	16
17/18-imi ukiumi atuarfiusumi atuarfiit pitsaassusii pillugit nalunaarusiaq.....	26
Nakkutilliinermiit nalunaarusiat.....	30
Inatsisartut Ombudsmandianit nakkutilliinermiit nalunaarusiaq.....	33
Kommunimut pilersaarummut tapiliussaq Illut eriaginartut – Inaarutaasumik akuersissutigineqarneri	36
Kommunimut pilersaarummut tapiliussassatut siunnersuut 1C38 Qullilerfik, Nuuk.....	41
1C8-7 Nuummi illoqarfiup qeqqa (Oles varehus), Nuuk.....	45
Meeqqanut aalisakkanik sapigalinnut meeqqerivimmik allanngortitsineq.....	49
Kommuneqarfik Sermersuumut IT pillugu periusissiaq.....	52
Tunumi aalisarnermut ikaarsaariarnermi siunnersorteqarnikkut ersarissumik anguniagaqarnissaq pil	55
”Ilinniagaqartut meerallit paaqqinnittarfinni meeqqatik paaqqinnittarfinniitinnissaannut pitsaanngin	59
Taasariaqartut allat.....	64
Suliat matoqqasut.....	65
Lukket.....	66
Lukket.....	67
Lukket.....	68
Lukket.....	69
Imaqarniliap akuerineqarnera.....	70

IMMIKKOORTOQ 0: Saqqaa

Beslutning

Justus Hansen (D) Randi Vestergaard Evaldsenimut (D), Borgmesteriugallartumut sinniisussaavoq

Ilisimatitsissut tusaatissatut tiguneqarpoq.

Oqarasuaatikkut ilaasut: Charlotte Pike (IA), Henrik Rachlev (IA) aamma Harald Bianco (IA)

IMMIKKOORTOQ 1: Oqaluuserisassat akuerineqarneri

Beslutning

Oqaluuserisassat akuerineqarput.

IMMIKKOORTOQ 2: Siulittaasumit nalunaarutit

Beslutning

2a.

1. Ullumi 2019-imi maajip ulluisa 16-ianni ataatsimiinnermi oqaluuserisassani, kommunalbestyrelsimut ilaasortat siunnersuutaat piffissami aalajangersimasumi misiliutitut allaffeqarfimmit oqaaseqaateqarfigisarlugit aallartinneqarpoq. Taamatut iliortoqarpoq ilaasortat siunnersuutaat pitsaaninngortikkusullugit aammalu aallaqqaataaniilli allaffeqarfiup nalilersuisimanera nalunaarumallugu, taamaalillutik siunnersuutit ilaat kommunalbestyrelse inaarutaasumik aalajangiitinnagu oqaaseqaammik taperserreqartalissapput. Massakut periususartoq sivitsortoortitsisarpoq aamma politikerit ilaasa naatsorsuutigisarpaat kommunalbestyrelse tapersiissuteqarmat taava siunnersuutitik piviusunngortinneqarlutik aallartinneqassasut, piviusorli unaavoq, allaffeqarfiup siunnersuut piviusunngortinneqarsinnaanersoq nalilersortarpa tamatumalu kingornatigut Kommunalebestyrelsimut akuersissutigisassanngorlugi imaluunniit itigartitsissutigisassanngorlugi ingerlateqqinneqartarpoq. Siunnersuutilli amerlasuut aningaasartuuteqarfiungaatsiartarput, siunnersuutinullu aningaasanik immikkoortitsisoqarsimanngikkaangat tamanna imaappoq, siunnersuut allaffeqarfimmit piviusunngortinneqarsinnaanngitsoq. Kommunalebestyrelsip ataatsimiinneri arlalialunnguit qaangiuppata misiliineq naliliiffigineqassaaq.
2. Kommuneqarfik Sermersuup DR2-p piviusulersaarutaani ”Byen hvor børn forsvinder”-imi suliap ineriartornera malinnaaffigaa kommunimiillu soorunami saaffiginnissutit piviusulersaarummit aallaaveqartut qisuariarfigissavai. Kommunalebestyrelsimut Tasiilaq pigisaalu qitiutittuarsimavarput taamaattorli suliaasanik sullissinnermi ingerlatsinerlussimaneq nassuerutigineqassaaq. Kommunalebestyrelsimiilli sapinngisarput tamaat aaqqiissutissanik ujartuivugut aaqqiissutissatullu siunnersuutigineqartut tamarmik tikilluaquavut. Kommuneqarfik Sermersooq allannguisinnaasunik amerlanernik pisariaqartitsivoq. Naqissuserneqassaaq Kommuneqarfik Sermersuumi ukiut qulit ingerlaneranni meeqqanut ikiortarialinnut aningaasaliissutinik ataasinnguamilluunniit itigartitsisoqarnikuunngimmat. Ingammik Tasiilami immikkut arlalinnik suliniuteqarfiunikuuvoq. Suliaasaqarfimmi sukumiisumik suliniuteqarnerit ilagaat makku: tarnip pissusaanik ilisimasalimmik aalajangersimasumik sulilersitsisoqarpoq, katsorsaasartoqatigiit angalasartut, inuusuttunut naartusunut suliniutit, sullissisartut angalasartut, Inuusuttut Illorsuaanik pilersitsineq Allorfillu suleqatigalugu najukkami atonerluisunut katsorsaavimmik ammaaneq. Kommunalebestyrelse Tasiilami annertuumik suliniuteqarput sunniutaalu aatsaat kingusinnerusukkut takuneqarsinnaalissapput. Borgmesteriugallartup piviusulersaarummi peqataasuusut Naasunnguaq Ignatiussen Streymoy aamma Rikke Blegevad piaarnerpaamik oqaloqatigalugit ataatsimeeqatigissallugit kissaatigisimavaa, tamannalu pilersaarnera ingerlanneqarpoq.
3. Maajip arfineq-aappaanni 2019-imi Ministeriunerup Lars Løkke Rasmussenip Folketingimut qinersinissap pingasunngornermi juunip 5, 2019 ingerlanneqarnissaa nalunaarutigaa.
4. Maajip qulingiluanni Kalaallit Nunaani borgmesterit Nuummi kommunip allaffiani ataatsimoorlutik ataatsimiipput. Borgmesteriugallartoq ataatsimiinnermut peqataavoq.
5. Maajip qulingani politikikkut ataqatigiissaarisartoqatigiit Katuami Nuummi ataatsimiinnertik ingerlappaat. Borgmesteriugallartoq Kommuneqarfik Sermersooq sinnerlugu peqataavoq.
6. Maaji 14. aamma 15. Nuummi Katuami Future Greenland ingerlanneqarpoq. Kommuneqarfik Sermersooq sinnerlugu Borgmesteriugallartoq borgmesterit allat (imaluunniit sinniissaat) peqatigalugit politikikkut oqallinnermi peqataavoq .
7. Maajip 20-ani Borgmesteriugallartoq Peqqissutsimut Naalakkersuisumit, Martha Abelsenimit maajip 5. Qeqertarsuatsiaannut angalasimanerminut atatillugu paasissutissiiniarluni ataatsimiinnissamut qaaqqusivoq. Naalakkersuisup Qeqertarsuatsiaanni Nunaqarfinni Aqutsisut ataatsimeeqatigisimavai innuttaasunillu ataatsimiisitsimalluni.
8. Maajip 23-ani Borgmester sulinngiffeqareerluni uteqqissaaq.
9. Maaji 28 aamma 29. Nunat Avannarliit Killiit illoqarfittut pingaarnersaasa aningaasaateqarfiani siulittaasut Reykjavikimi ataatsimiissapput, tassani aningaasaateqarfimmut qinnuteqaatit suliarissavaat aningaasallu 450.000 koruunit agguataassallugit. Taakkunani siulittaasunut ilaasortat marluk atorfilittarlu peqataassapput.
10. 2019-imi juunip ulluisa aappaanniit tallimaannut Tromsø Kommune Nuummumut tikeraassaaq. Tromsø Kommuniata Oqaaseqartartua (borgmester) atorfilittani peqatigalugit Nuummumut tikeraassaaq. Ulluni taakkunani pilersaarutit kingusinnerusukkut nassiinneqassapput.
11. Ullut juunip qulingat aamma aqqarngat Kommuneqarfik Sermersuumi najukkami ataatsimiititaliat sisamaasut perngaammik najukkami ataatsimiititaliat ataatsimoorlutik ataatsimeersuartinneqarneranni katersuutissapput. Kommuneqarfik Sermersuumi najukkami ataatsimiititaliat ataatsimeersuartinneqartarnerat ukioq allortarlugu ingerlanneqartassaaq.

IMMIKKOORTOQ 3: Ilisimatitsissutit

IMMIKKOORTOQ 03A: Pitsaaliuinermik aamma ikiorsiissuteqartarnermik immikkoortoqarfiit inissisimaffii

Beslutning

Ilisimatitsissut tusaatissatut tiguneqarpoq.

Ilanngussat

C-Overslag-Dog-C_27665_KAL.docx

Iserittilsyn blokCogD.pdf

Pitsaaliuineramik aamma ikiorsiissuteqartarnermik immikkoortoqarfiit inissisimaffii

Pitsaaliuineramik aamma ikiorsiissuteqartarnermik neqeroorutit pioreersut pillugit allamut inissiineq pillugu ilisimatitsissut

Ilisimatitsissut

J.nr.: 42.00

Meeqqanut Ilaqutariinnullu Ingerlatsivik – Pisortaq Martha Lund Olsen / MLOL

Suliassamik eqikkaaneq

Ilaqutariinnik ikiorsiissuteqartarnermi suliniutaareersut aamma Siusissukkut iliuuseqarneq aammalu qimarnguik kiisalu paaqqutarinninnerup kingorna inissiat annertusitineqassapput.

Tamanna najukkami katitigaanerannut ajornartorsiortitsivoq. Taamaattumik atuineq pillugu allannguuteqartitsinissaq siunnersuutigineqarpoq imatut ilillugu:

Ivaq aamma Kuserneq Kongevejimi Blok C-miit aamma D-miit K1-imut Aqqusinersuup tungaanut nuunneqassapput

Qimarnguik Sipisaq Kujalleq 7A-miit Tuujummut nuunneqassaaq aamma paaqqutarinninnerup kingorna init, inuusuttunut ineeqqat, ingerlaavartumik Iserit-mit aqunneqassapput.

Qanorluunniit aaqqiissutissamik aalajangiisoqaraluarpuunniit iluarsaassisoqarnissaa aammalu atortunik allannguisoqarnissaa pisariaqartinneqassaaq.

Suliaq Sanarfinermut Avatangiisinullu Ataatsimiititap maajip 9-ani 2019-imi ataatsimiinnerani oqaluuserineqarpoq, ataatsimiititallu inassuteqaat akuersissutigaa suliarlu inaarutaasumik akuersissutigisassanngorlugu Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqillugu.

Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamut inassuteqaatigivaa:

- ilisimatitsissut Aningaasaqarnermut Inuusutissarsiteqarnermullu Ataatsimiititamit tusaatissatut figuneqassasoq.

Suliamik saqqummiussineq

2018-imi ukiakkut missingersuutit suliarineqarneranni Kommunalbestyrelsimit Pitsaaliuinermut Ikiorsiissuteqarnermullu tunngasunik allannguutissat arlallit akuersissutigineqarput. Taakkununga ilaqutariinnik ikiorsiissuteqartarnermut aammalu siusissukkut iliuuseqartarnermut tunngasut (Ivaq aamma Kuserneq allatut aaqqiivigineqarnerat) nutaamik qimarnguittaarnissaq/Nuummi arnat persuttagaasut taakkulu qitornaannut angerlarsimaffik ikiorsiissuteqarfiusup pilersinneqarnissaa ilaapput kiisalu inuusuttunut ineeqqat 15-it perorsaanermik imalik, paaqqinniffimmeereernerup kingornatigut neqeroorutaasoq.

Ivaq aamma Kuserneq massakkut Kongevejimi Blok C-mi aamma Blok D-mi inissisimapput. Ivaq aamma Kuserneq immikkut 9-nik inissiaateqarput.

Ivaami ilaqutariit pisariaqartitsisut najugaqarlutik ikiorserneqarnissamik neqeroorfigineqarsinnaapput nukarlequtaasa marlunnik ukioqalernissaata tungaannut. Tamakku saniatigut Ivaq Siusissukkut iliuuseqarneq pillugu suliat assigiinngitsut aqqusaarlugit suleqatigiinnermut ilaavoq saniatigullu ilaqutariinnik siunnersuineq aamma/imaluunniit angerlarsimaffimmi ilaqutariinnut 92-inut ikiorsiissuteqarneq ingerlatalugit.

Kuserneq ilaqutariinnut marlunniit ukiulinnik qitornalinnut sammitinneqarpoq, aamma annerusumik ilaqutariinnut Nuummi najugaqanngitsunut illoqarfigisaminni allatut ikiorserneqarnissaminnik pisariaqartitsisunut atorneqartarpoq.

2019-ip ukiuata affaani siullermi pilersaarutaavoq Ivaag aamma Kuserneq kattutsinneqarlutik ataatsimoortinneqarnissaat, ilaqutariinnut 17-inut ikiorsiissuteqarfiusunngorlugu inissaqartoq. Tamakku saniatigut Siusissukkut iliuuseqarneq pillugu immikkoortotaqarfik pilersinneqassaaq, ilaqutariit namminneq angerlarsimaffiini ilaqutariinnut ikiorsiisarneq tapersersuinerlu aallutarineqassapput.

Blok C aamma D suli arlalinnik ajornartorsiutitaqarput:

- Naqqup ataaniit tipiliornersuaq, qitsuit sivisuumik najugaqarfigisimammasuk. Naak assigiinngitsunik iliuuseqartoqartaraluartoq tamanna allannortinneqarsinnaasimangilaq.
- Siusinnerusukkut oqoqarsimanagera sulisunut ajornartorsiortitsivoq.
- Ataatsimut isigalugit illut taakkua ingitseriaannaasutut nalilerneqarput.

Sipisaq Kujalleq 7A-mi massakkut qimarnguusoq ilaqutariinnut 4-nut ineeqqani inissaqarpoq, amerlasuutigut ilaqutariit arlallit inimi ataatsimiitarlutik. 2019-imut missingersuutini nutaamik qimarnguiliornissaq akuerineqarpoq. Qimarnguimmi nutaami ilaqutariinnut 6-8-nut inissaqassaaq saniatigullu ikiorsiissuteqarnermik sullissinermut initaqassaaq arnanut taakkulu meeraannut. Meeqqanut Ilaqutariinnullu Ingerlatsivik neqeroorfigineqarpoq Qimarnguik Aqqusinersuarmi K1-imut majuartarfeqarfiani pilersinneqarsinnaanera pillugu, taanna Kommuneqarfik Sermersuumit ukiuni 10-ni attartornissamik isumaqatigiissuteqarfigineqarpoq. Majuartarfeqarfimmiippat inissiat ataatsimik initalit 4-t, marlunnik initalit 7-it kiisalu 3-nik initalit 6-it. Meeqqanut Ilaqutariinnullu Ingerlatsiviup inissiat attartornerannut akiliutaasartut qanoq annertutiginerat suli ilisimangilaa. K1-imi inissiat qimarnguittut atorneqarnissaat pillugu arlalinnik unammisassaqarpoq:

1. Qimarnguuiup inissianit 17-iusunit inissiat 6-8-t atortussaavai
2. Qimarnguimmut aqputaa asserneqarsinnaangilaq, elevatoreqarmat
3. Inissiat arlallit angisuujupput taamaattumillu attartornermut akiliutissat aamma taamaannissaat naatsorsuutigineqarsinnaavoq.

Kingulleq ajornartorsiortifiusinnaavoq, qimarnguimmut inissiisarneq nukinginnartumik pisarmat, ikiorsiissutaagallartoq nammineq akiligassaaq, arnat meeqqallu inuiaqatigiinni sumiluunniit inissisimasunut inissaqartitsisussaavoq. Taamaattumik inimik attartornermut akiliutit sapinngisamik appasinnerpaaffianiitinneqarnissaat kissaatigineqarpoq.

Aaqqiissutissatut siunnersuut – suliutigut naliliineq

Ingerlatsiviup siunnersuutigivaa, inissisimaffiit allannortiterneqassasut, ininut tunngasunik ajornartorsiutigineqartunut aaqqiissutaasumik, suliniutip annertusinera ilutigalugu ajornartorsiutaasunut.

Ivaag aamma Kuserneq K1-imut inissinneqassapput.. Taamaaliornikkut angerlarsimaffik ikiorsiissuteqartarfiusoq periarfissinneqassaaq, ilaqutariinnut 17-inut inissalik, inissianik assigiinngitsunik angissusilinnik periarfissaqartitsisoq. Taakkua saniatigut Siusissukkut iliuuseqarnermut immikkoortotaqarfik K1-imut inissinneqassaaq inissiamilu ataatsimik initalimmi allaffeqarluni.

Qulaani pineqartut Blok C-mik aamma D-mik pisariaqartitsiunnaartitsissapput.

Siunnersuutigineqarpoq, qimarnguissaq Tuujummi sanaartukkani nutaani inissinneqassasoq.

Ilanngullugu Ingerlatsiviup siunnersuutigivaa, inuusuttunut ineeqqat aamma paaqqutarinniffeereernerup kingorna ikiorsiissuteqarnermi inissiat ISERIT aqqutigalugu inissiaareersuniit agguanneqassasut.

Aningaasatigut sulisoqarnikkullu naliliinerit

Kongevejimi init (Blok C aamma D) iluarsaanneqassagaluarpata tamanna minnerpaamik 2,5 millioner koruuninik naleqassagaluarpoq, ajornartorsiutaasut tipi oqullu kiisalu killilimmik

aaqqiissutaanerat eqqarsaatigalugu. Taamaattumik qulaani init agguataarneqarnerat pineqartoq naapertuunnerusutut nalilerneqarpoq.

Inatsisitigut tunngavissaq allakkallu tunngaviusumik uppersaatitalit
2019-imut missingersuutit

Ingerlariaqqinnissaq

Suliaq Meeqqanut Ilaqutariinnullu Ataatsimiititami tusaatissatut tiguneqareerpat, taanna Aningaasaqarnermut Inuussutissarsiornermullu Ataatsimiititamut ingerlateqqinneqassaaq ilisimatitsissutit.

Aningaasaqarnermut Allatseqarfimmit oqaaseqaatit

Soqanngilaq

Ingerlatsivinniit allaniit oqaaseqaatigineqartut

Siunnersuut Sanarfinermut Avatangiisinullu Ingerlatsivik peqatigalugu suliarineqarpoq.

Siornatigut aalajangerneq

Meeqqanut Ilaqutariinnullu Ataatsimiititap aalajangernera 09. Maajii 2019-meersoq:

Ilisimatitsissut tusaatissatut tiguneqarpoq.

Ilanngussaq

1. Iserit-ip Blok C-mik aamma D-mik misissuina
2. Iserit-ip akinut missiliutai

IMMIKKOORTOQ 03B: Tasiilami nunaqarfiinilu meeqqerivinnut isaatitsineq pillugu ilisimatitsissut

Beslutning

Ilisimatitsissut tusaatissatut tiguneqarpoq.

Tasiilami nunaqarfiinilu meeqqerivinnut isaatitsineq pillugu ilisimatitsissut

Ilisimatitsissut

J.nr.:44.00

Meeqqanut Atuarfeqarnermullu Ingerlatsivik – Pisortaq Helene B. Berthelsen / HEBE

Suliassamik eqikkaaneq

Meeqqanut Atuarfeqarnermullu Ingerlatsiviup siunnersuutigaa Tasiilami nunaqarfiinilu meeqqanik meeqqerivimmut isaatitsineq pillugu suliassartai Tasiilami Innuttaasut Sullissivimmit sularineqartalissasut.

Suliaq Meeqqanut Atuarfeqarnermullu Ataatsimiititaq 07. maj 2019 oqaluuserineqarpoq, tassanilu ataatsimiititamit Suliaq tusaatissatut tiguneqarpoq, suliarluk Aningaasaqarnermut Inuussutissaqarnermullu Ataatsimiititamut tusaatissatut ingerlateqqillugu.

Inassuteqaat/Inassuteqaatit

Meeqqanut Atuarfeqarnermullu ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Ilisimatitsissut tusaatissatut tiguneqassasoq,

Suliassamik saqqummiussineq

Meeqqanut Atuarfeqarnermullu Ingerlatsisivimmi sulisut siunnersuutigaat, Tasiilami nunaqarfiinilu meeqqanik meeqqerivimmut isaatitsineq pillugu suliassartai Tasiilami Innuttaasut Sullissivimmiit sularineqartalissasut.

Tasiilami illoqarfimmi ineriartortitsinissamik pilersaarutip atuutsikkiartuaarnerani, Tasiilami sulisut ilaatigut kissaatigaat, suliatigut akisussaaffinnik tigooraanermikkut Innuttaasut Sullissiviata nukittorsarnissaa, taamaasinikkut suliassat piffimmi sularineqartalissammata.

Siunnersuut Pisortaqatigiinnik akuerineqarpoq, kiisalu Meeqqanut Atuarfeqarnermullu Ingerlatsivik sulisunik Tasiilamukartitsissaaq, suliassat tunniukkiartorlugit kiisalu Innuttaasunik Sullissivimmi sulisut ilitsersuukkiartorlugit.

Aaqqiissutissatut siunnersuut – suliatigut naliliineq

Meeqqanut Atuarfeqarnermullu Ingerlatsivik isumaqarpoq, Innuttaasunik Sullissiviup suliat tiguneratigut, Tasiilami innuttaasunik sullissineq pitsanngortinneqassasoq, taamatumalu kingunerissavaa innuttaasut sullissisunik qanimut saaffiginnissinnaalernerat. Kiisalu piffimmi aalajangiisarneq sularineqartalissasoq.

Aningaasatigut sulisoqarnikkullu naliliinerit

Soqanngilaq

Inatsisitigut tunngavissaq allakkallu tunngaviusumik uppersaatitallit

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq

Ingerlariaqqinnissaq

Meeqqanut Atuarfeqarnermullu Ingerlatsivik Tasiilamilu Innuttaasunik Sullissivik isumaqatigiissutigissavaat, qaqugu suliassat pillugit ilitsersuussisoqarlunilu tunniussisoqassasoq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik piniartoqanngilaq

Innuttaasunik peqataatitsineq/attaveqaqatigiinneq

Tasiilami områdechef suliaq pillugu ilisimatinneqarpoq, siunnersuullu isumaqatigaa.

Siornatigut aalajangerneq

Meeqqanut Atuarfeqarnermullu Ataatsimiititap aalajangernera 07. maj 2019-meersoq:

Inassuteqaatit akuerineqarput

Ilanngussaq/Ilanngussat

Soqanngilaq

IMMIKKOORTOQ 4: Aalajangiiffisassat

Beslutning

Soqanngilaq.

IMMIKKOORTOQ 5: Suliat Kommunalbestyrelsimut ingerlateqqitassat

IMMIKKOORTOQ 05A: Ulluunerani neqeroorutini inissanik qulakkeerinnineq pillugu ilisimatitsissut

Beslutning

Inassuteqaatigineqartoq akuerineqarpoq.

Ulluunerani neqeroorutini inissanik qulakkeerinnineq pillugu ilisimatitsissut

Ilisimatitsissut

J.nr.: 28.00.00-G01-43-19

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Meeqqanut Atuarfeqarnermullu Ingerlatsiviup utaqqisunut allattuivimmiittut ikilisinnissaat kommunimilu paaqqinnittarfimmi inissanik qulakkeerinninnissamik qinnuteqarsinnaaneq sulissutigaa. Ingerlatsivik ullumikkut ilaatigut Nuummi utaqqisunut allattuivimmiittut ikilisinnissaat ajornartorsiutigaa.

Ilimagineqarpoq ajornartorsiut siunissami annertunerulissasoq, tassa ilimagineqarmat Nuummi innuttaasut 2030-p tungaanut 30.000-it tikillugit amerlassuseqalissasut, tassunga ilanngullugit meeqqat 0-6 ukiullit, tassungalu peqatigitillugu paaqqinnittarfiit illuutillu pioreersut nungullassallutik.

Suliaq Meeqqanut Atuarfeqarnermullu Ataatsimiititami 7. maj 2019 oqaluuserineqarpoq, tasanilu ataatsimiititami suliaq tusaatissatut tiguneqarpoq, suliarlu Aningaasaqarnermut Inuussutissaqarnermullu Ataatsimiititamut Kommunalbestyrelsimullu ilisimatitsissutit ingerlateqqinneqarluni.

Inassuteqaatit

Meeqqanut Atuarfeqarnermullu ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Ilisimatitsissut tusaatissatut tiguneqassasoq
- Suliaq Kommunalbestyrelsimut ilisimatitsissutit ingerlateqqinneqassasoq

Suliassamik saqqummiussineq

2030-p tungaanut ineriartorneq

Nuummi innuttaasut 2030-mi 30.000-inngornissaat (Pissarsivik: Kommuneqarfik Sermersuumut kommunimut pilersaarut, Takorluukkat Pingaarnarullu Ilusaa) pillugu politikikkut anguniagaq tunngavigalugu ilimagineqartut meeqqat 0-6 ukiullit 2030-p tungaanut amerlissasut. Innuttaasut procentinngorlugit amerlassusaasa naatsorsornerat tunngavigalugu missingiummi siulittuutigineqarpoq Nuummi meeqqat 0 aamma arfinillit akornanni ukiullit 1977 aamma 2754-t akornanni amerlassuseqassasut. Nuummi meeqqat taamatut ukiullit 1. januar 2019-imi 1674-iupput. (Pissarsivik: Kalaallit Nunaanni Naatsorsueqqissaartarfik)

Ingerlatsivik meeqqat amerlassusissaanni siumut naatsorsuineq tunngavigalugu naliliivoq inissanik qulakkeerinninnissamik kissaateqarneq anguneqassappat tassungalu peqatigitillugu paaqqinnittarfiit arfinillit isaterneqarnissaat matuneqarnissaalluunniit ilimagineqartariaqarluni, meeraaqqeriviit ukioqatigiinngiaanut meeqqeriviit nutaat ikinnerpaamik qulit ulluuneranilu meeraaqqeriviit meeqqeriviillu ukioqatigiinngiaanut nutaat 15-it tikillugit atorfissaqartinneqassasut. Naatsorsuinerne ulluunerani paaqqinnittarfimmut ataatsimut periuseq meeqqanut 88-inut inissalik, ininut arfinilinnut agguarlugit, aallaavigineqarpoq.

Paaqqinnittarfiit inissallu amigaataanerisa saniatigut Meeqqanut Atuarfeqarnermullu Ingerlatsivik aamma naliliivoq, sulisussarsiortarnissamut tunngatillugu aaqqiissuutissat eqqarsaatigineqarnissaat pisariaqartinneqassasoq. Pissutsit assigiinngitsut tassunga tamassumalu qanoq aaqqinneqarnissaannut sunniuteqarput. Meeqqanut Atuarfeqarnermullu Ingerlatsiviup ullumikkut misigaa, kommunip ulluunerani paaqqinnittarfiani, pingaartumik Nuummi, sulisunik amigaateqarnek isumaginninnermut aamma meeqqanik sullissinermi ikiortit atorfii inuttalerniarneri ajornartorsiutaasoq.

Kommuneqarfik Sermersuumi utaqqisunut allattuiviit pillugit ullumikkut killiffik
 Meeqqanut Atuarfeqarnermullu Ingerlatsiviup kommunimi utaqqisunut allattuiviit pisariaqarunnaarnissaat kommunimilu ilaqutariinnut meerartalinnut inissanik qulakkeerinnittarnermik neqerooruteqarsinnaaneq suliniutigaa.

Meeqqat utaqqisunut allattuivimmiittut amerlassusaat ukiup ingerlanerani allanngorartarput. Meeqqanut Atuarfeqarnermullu Ingerlatsiviup ukiut naanerini tamani misigisarpaa inissanut innersuussisarnek unittartoq, tassa meeraaqqerivinni meeqqerivinnilu inissat ulikkaaqqasarmata. Tamanna meeqqat meeraaqqerivimmiittut, ukiutik pissutigalugit meeqqerivinnut nuunneqartussat nuunneqarsinnaannginnerinik kinguneqartarpoq. Tamanna aamma meeqqat meeraaqqerivinnut utaqqisunut allattuivimmiittut amerlisarnerinik kinguneqartarpoq.

Marsip aallaqqaataata missaani meeqqat atualersussat AKO-mut nuunneqarnerat aallartittarpoq. Tamassumani meeqqerivinni inissaqalartarpoq, nikerartinneqarnerillu taamaalillutik aallartittarlutik. Meeqqanik meeraaqqerivinniittunik meeqqerivinnut nuunneqarnissamut piareeqqasoqartarpoq, taamaalillunilu meeraaqqerivinni meeqqanut utaqqisunut inissamik neqerooruteqarnissamut inissaqartitsilertarluni. Taamatut ingerlasoqartarnera ukiut tamaasa misigineqartarpoq.

Meeraaqqerivinnut utaqqisunut allattuivik pillugu tabeli ataani takutinneqarpoq, kingusinnerusukkullu meeqqerivinnut utaqqisunut allattuivik pillugu tabeli takutinneqassaaq.

Meeqqat qaammatinik pingasunik utoqqaassuseqaleraangamik meeraaqqerivinnut utaqqisunut allattuivimmu allatsissinnaapput arfinilinnillu qaammateqaleraangamik aallartissinnaasarlutik. Meeqqat meeqqerivinni aallartissinnaasutut nalilerneqarunik ukiunik marlunnik qaammatinillu qulinik utoqqaassuseqaleraangamik meeqqerivimmi aallartinnissaminnut nalilerneqartarput.

Meeraaqqerivinnut 1. aprili 2019 utaqqisunut allattuivik

Illoqarfik	Meeqqat utaqqisunut allattuivimmiittut 1. aprili '19 amerlassusaat.	Meeqqat 2019-imi inunngortut utaqqisunut allattuivimmu suli allatsinngitsut amerlassusaat.	Meeqqat 1. aprili inissamik tunineqarnissamik piareersimasut amerlassusaat.	Meeqqat B-t* 2,9-nik ukioqalernikut ukiui naapertorlugit piareersimasut, meeqqerivimmulli piareersimannngitsutut nalilerneqartut.	Meeqqat B-t meeraaqqerivimmit meeqqerivimmu 2019-ip ingerlanerani nuuttussat sinneritut amerlassusaat.	Meeraaqqerivinni inissat maannakut inuttaqanngitsut
------------	---	--	---	---	--	---

Nuuk	60	61	34	33	77	7
Tasiilaq	43	6	23	3	6	0
Ittoqqortoormiit	5	3	4			
Paamiut	3	5	0			

*Meeqqat B-t tassaapput meeqqat meeraaqqerivinniittut ukiutik pissutigalugit meeqqerivimmuut nuuttussat.

Nuuk

Tabelimi apriliip aallaqqaataani 2019 maannakkut kisitsisit Meeqqanut Atuarfeqarnermullu Ingerlatsiviup pissarsiassaatai tunngavigineqarput. Taakku meeqqat meeraaqqerivinnut nuuttarnerat meeraaqqerivimmiikkunnaarnerallu malillugu ingerlaavartumik allanngorartarput. Taamaammat nalilersuineq ataaniittoq kisitsisinik apriliip aallaqqaataani 2019 pissarsiarineqarsinnaasunik siusinnerusukkullu qanoq isikkoqarnikuunerinik tunngaveqarpoq.

Nuummi siumut naatsorsuineq

Kisitsisit qulaaniittut kisiisa allaavigineqassappata, Nuummi meeqqat sisamat 2019-ip naanerani meeraaqqerivinni inissaqassanngillat.

Meeqqat Nuummi inunngortartut amerlassusaat ukiut arlallit ingerlaneranni allanngorarnikuunngilaq, qaammammumt agguaqatigiissillugu 20-t missaat inunngortarput. Tamanna allaavigalugu apriliip, maajip, juunillu ingerlaneranni meeqqat 60-it inunngortut kingusinnerpaamik qaammammi decembarimi 2019 utaqqisut allattuiviannut allatsissinnaapput. Tamassuma saniatigut meeqqat arlallit Nuummut nuuttussat, inunngortunik naatsorsueqqissaarinnermit ilanngunneqanngillat. Missingersuilluni nalilersuineq tunngavigalugu meeqqat qulit missaaniittut ukiumut Nuummut nuuttarput. Kisitsisit taakku tunngavigalugit nalilernerqarpoq meeqqat 74-it meeraaqqerivinni 2019-ip naanerani inissaqassanngillat. Kisitsisit qaffasinnerusinnaapput appasinnerusinnaallutillu, tassa siumut naatsorsuineq missingersuinnermik tunngaveqarmat. Tamassuma saniatigut meeqqanik B-nit 77-iusunut qassit ukiup naanerani nuunneqartussatut ilimagineqartut ilanngunneqanngillat.

Siumut naatsorsuinerit ukiut siuliini utaqqisunut allattuivinnut sanilliukkaanni assigiipjaarput. Ukiuni kingullerni sisamani ukiut naaneranni meeqqat 74-it missaaniittut utaqqisunut allattuivimmiittarnikuupput.

Meeqqat utaqqisunut allattuivimmiittut saniatigut aamma ilinniartut utaqqisunut allattuivinnut nalunaarsorneqarneq ajortunik meeraqarput. Taakku ilinniartuunermut tunngaviit eqqortinneqaraangata inissamik ingerlaannaq tunineqartarput. Ilinniagaqartut amerlanersaat ilinniarfimmillutik maaniittarput.

Tasiilaq

Tasiilami inunngortartut ukiuni kingullerni amerleriarnikuupput. Tasiilami meeqqat 0-6 ukiullit maannakkut katillugit 220-upput. Meeqqat inunngortartut 2014-imiit 2018-imut 74 %-inik amerleriarnikuupput.

Ataatsimoortitsilluni ini Pingajeqqad pilersinneqarnerata kingorna meeqqat 2,5-iit ukiullit 13-it tassunga nuunneqarnikuupput. Taamatut aqqiigallarnermut atatillugu aamma meeqqat 13-it meeraaqqerivimmuut utaqqisunut allattuivimmuut ilanngunneqarnikuupput.

Tasiilami *siumut naatsorsuineq*

Tasiilami qaammammut agguaqatigiisillugu meeqqat pingasut inunngortarput, taamaalillunilu meeqqat qulingiluut missaat apriliimi, maajimi juunimilu inunngortut kingusinnerpaamik decembarip qaammataani utaqqisunut allattuivimmuut allatsissinnaapput. Tasiilamut nuuttut tassanngaaniillu nuuttut killiffiat amerlaqatigiingajapput, taamaammallu meeqqat utaqqisunut allattuivimmiittussat ilimagineqartut ilanngunneqanngillat. Qulaaniittut tunngavigalugit missingersorneqarpoq meeqqat meeraaqqerivimmiittussat 39-t missaaniittut meeraaqqerivinni 2019-ip naanerani inissaqassanngitsut. Siumut naatsorsuineq nassuiaammut januaarip naanerani 2019 suliarineqartumut naapertuuppoq.

Apriliip aallaqqaataani 2019 meeqqerivinnut utaqqisunut allattuivimmiittut

Illoqarfik/Nunaqarfik	Meeqqat apriliip aallaqqaataani utaqqisunut allattuivimmiittut amerlassusaat.	Meeqqerivinni inissat maannakkut inuttaqanngitsut amerlassusaat.	Meeqqat AKO/SPO-mut suli nuunneqanngitsut amerlassusaat
Nuuk	7	69	34
Tasiilaq	0	18	5

Nuuk

Nuummi meeqqerivinni inissat inuttaqanngitsut maannakkut 62-iupput. 1. klassissat 34-t kingusinnerpaamik 15. august AKO-mut nuunneqarpata inissat 96-it inuttaqassanngillat. Meeqqanut B-nit 103-usunut 33-t ukioqqortussutsimikkut meeqqerivimmuut nuunnissamut piareeqqapput, nuunneqarnissamulli piareersimasutut suli nalilerneqaratik. Perorsaanerami sulisut naliliipput. Meeqqat B-t 33-t taakku qaammatip ataatsip marlulluunniit ingerlaneranni nuunneqarnissaat ilimagineqarsinnaavoq. Meeqqat B-t 77-it sinneruttut 2019-ip ingerlanerani nuunneqarnissamut ukioqqortussutsimikkut piareersimapput.

Tasiilaq

1. klassissat SPO-mut nuunneqarpata meeqqallu B-t tamarmik nuunneqareerpata meeqqerivinni inissat katillugit 17-it inuttaarutissapput, tassa meeqqat arfinillit utaqqisunut allattuivimmiissapput.

Nunaqarfinni aqqissuussinerni utaqqisunut allattuivik

Illoqarfik/Nunaqarfik	Meeqqat 1. aprili 2019 utaqqisunut allattuivimmiittut amerlassusaat	Inissat inuttaqanngitsut amerlassusaat	1, klassinngortussat amerlassusaat	Meeqqat b-nngortussat	Meeqqat 2019-imi 4/4-mi inunngortut	Meeqqat utaqqisunut allattuivimmi allatsissimannngitsut amerlassusaat
Angerlarsimaffimmi paarsisarneq QEQE 0-6 ukiullit	0	3	1		2	4

Angerlarsimaffimmi paarsisarneq Kapisillit 0-6 ukiullit	0	1	1		0	1
Angerlarsimaffimmi paarsisarneq Arsuk 0-6 ukiullit	0	4	1		0	1
Angerlarsimaffimmi paarsisarneq Kulusuk 0-6 ukiullit	4	0	7		0	10
Nunaqarfimmi neqeroorut Kuummiut 3-6 ukiullit	1	3	4		1	1
Nunaqarfimmit neqeroorut Isertoq 3-6 ukiullit	0	7	1		2	0
Nunaqarfimmi neqeroorut Tiilerilaaq 3-6 áukiullit	1	8	1		0	0
Nunaqarfimmi neqeroorut Sermiligaaq 3-6 ukiullit	2	0	2		0	3
Angerlarsimaffimmi paaqqinnittarneq Nuuk 0-6 ukiullit	3	2		1		

Aaqqiissutissatut siunnersuut –suliatigut naliliineq

Nuuk

Soorlu qulaani allaaserineqartoq Nuummi ulluunerani paaqqinnittarfinni inissat amigaataaneri ajornartorsiutaasorujussuuvoq. Ajornartorsiut aaqqiivigisinnaajumallugu Meeqqanut Atuarfeqarnermullu Ingerlatsivik naliliivoq paaqqinnittarfinnik amerlanerusunik sanaartornissaq pisariaqartoq. Tamassuma pisariaqarnerata Meeqqanut Atuarfeqarnermullu Ingerlatsiviup isumaqarneranut pissutsit pingasuupput.

- 1) Paaqqinnittarfinni inissat maannakkutut amerlatigitillugit pingaartumik meeraaqqerivinnut utaqqisoqarpoq, inissanillu qulakkeerinninnissamut neqerooruteqartoqarsinnaanani.
- 2) Nuummumut siunissami nuuttussat amerlassusaannik taamatut ilimasuuteqartoqartillugu meeqqat taamatut ukioqartut amerliartussagunarput.
- 3) Maannakkut paaqqinnittarfiusunit arfinillit ukiut arlaqanngitsut ingerlaneranni isatertariaqalersussatut isigineqarput.

Nuummi paaqqinnittarfiit arfinillit isaterneqassasut matuneqassasullu pilersaarutaavoq, tamassumalu saniatigut paaqqinnittarfiit nutaat arfinillit sanaartorneqassasut pilersaarutaavoq.

Paaqqinnittoqarfitoqqanik isaterinermi nutaanillu sanaartornermi pilersaarusiortoqassaaq suliat taamaalillutik ingerlaqatigiissallutik. Tamassuma kinguneraa paaqqinnittarfimmik nutaamik

sanasoqarpat tassunga peqatigitillugu paaqqinnittarfinit isateriaannarnit ataaseq marlulluunniit isaterneqassapput/matuneqassapput. Paaqqinnittarfik ataasiussanersoq marluussanersulluunniit paaqqinnittarfiup nutaap qanoq angitiginissaa apeqqutaavoq. Nutaamik sanaartornermi inissat pigineqartut taarsiinnarneqassanngillat, aammali meeqqanut utaqqisunut allattuivimmiittunut inissanngortinneqarsinnaasunik nutaanik pilersitsisoqassalluni.

Tamanna isumaqarpoq, paaqqinnittarfinnik nutaanik sanaartornissaq imatut pilersaarusiorneqassasoq paaqqinnittoqarfinnik nutaanik sanaartortoqartillugu paaqqinnittarfitoqqat atorunnaarsikkiartortinneqassallutik. Tamassuma aamma kingunerissavaa, Nuummi paaqqinnittarfinni inissat amerlassusaat tamarmiusut amerliartortinneqassasut.

Paaqqinnittarfiit arfinillit ataaniittut paaqqinnittarfinnik nutaanik sanaartorneq peqatigalugu isaterneqassapput matuneqarlutilluunniit.

Suunera:	Paaqqinnit-tarfik	Meeqqat amerlassu-saat
VUG	Amaat	35
VUG	Ajaaja	35
BHV	Ernutaq	35
BHV	Sisi	30
BHV	Najaaraq	45
INT	Ungaaq	72
	Katillugit	252

Siorarsiorfik – Nuuk City Development pilersaaruteqarpoq Nuummi paaqqinnittarfinnik nutaanik ukuningga ukiut arlaqanngitsut aggersut ingerlaneranni sanaartortoqassasoq:

Suunera:	Paaqqinnittarfik	Naammassinissaa ilimagineqarpoq	Init amerlassusaat	Meeqqat amerlassusaat
INT	Ulluunerani paaqqinnittarfik A	2022 aallartinnerani	8	120
INT	Ulluunerani paaqqinnittarfik B	Kvartalit siullianni 2021	6	88
INT	Ulluunerani paaqqinnittarfik C	Kvartalit pingajuanni 2021	6	88
INT	Ulluunerani paaqqinnittarfik D	Kvartalit siullianni 2022	6	88
INT	Ulluunerani paaqqinnittarfik E	Kvartalit pingajuanni 2022	6	88

INT	Ulluunerani paaqqinnittarfik F	Kvartalit siullianni 2023	6	88
	Katillugit			560

Paaqqinnittarfinni inissanik amigaateqarnermik ajornartorsiut aaqqiiviginiarlugu inissanillu qulakkeerinnissinnaajumalluni periarfissaq alla tassaasinnaavoq paaqqinnittarfiugallartussanik utaqqiisaasumik illunik sanaartorneq. Aaqqiissumullu tassunga tunngatillugu, aaqqiissut taanna illunik piujuartunik sanaatornermut sanilliullugu akikinnerunaviarunanngilaq.

Paaqqinnittarfiugallartunik sanaatornerup saniatigut pinnguarterfilinnik silamiiffiusinnaasunik pilersitsisoqassaaq, tamassumalu saniatigut illuugallartoq piujuartinneqaleriaannaapput.

Illuugallartuni meeqqanut sulii atualingitsunut perorsaaniikkut inerikkiartuutaasunik ulluunerani neqeroorutit pillugit Inatsisartut inatsisissaanni nr. 16, 3. december 2012-meersumi § 12-mi inatsisitigut piumasaqaatit sulii malinneqassapput

Nuummi inissanik qulakkeerinninnermut piffissaritinneqartoq

Meeqqanut Atuarfeqarnermullu Ingerlatsiviup ilimagaa Nuummi inissanik qulakkeerinninnissaq ukiut sisamat qaangiuppata neqeroorutigineqarlersinnaasoq. Qaqugu inissanik qulakkeerinnilernissap neqeroorutaalernissaanik nalilersuineq pissutsinik arlalinnik naatsorsuineramik tunngaveqarpoq:

- Meeqqat qaammatit arfinilinnit arfinilinnik ukiullit tikillugit amerlassusaannik naatsorsuineq (maannakkut siunissamilu).
- Inunngortut amerlassusaat (tassani ilimagineqarluni inoorlaat massakkutut amerlassuseqassasut)
- Illoqarfimmuut nuuttut amerlassusaat (tassani ilimagineqarluni illoqarfimmuut nuuttut massakkutut amerlassuseqassasut).
- Nuummi paaqqinnittarfinni inissat maannakkut amerlassusaat (kommunip namminersortullu paaqqinnittarfii).
- Paaqqinnittarfinnik pisoqqanik isaterinermut matusinermullu pilersaarut.
- Paaqqinnittarfinnik nutaanik sanaatornissamut pilersaarut.

Nalilersuineq missingersuinernik siumullu naatsorsuinernik arlalinnik nalorninartoqartunik imaqarpoq.

Tasiilaq

Tabelimi meeqqat 2014-imiit 2018-imut ukiumut inunngortartut amerlassusiisa allanngorarnerat takutinneqarpoq.

Illoqarfik	2014	2015	2016	2017	2018
Tasiilaq	27	27	34	54	47

Soorlu siusinnerusukku allaaserineqartoq Tasiilami ukiuni kingullerni inunngortartut amerleriarnikuupput. Meeqqat amerlinerat paaqqinnittarfinni inissat amigaataalernerannik kinguneqarpoq, maannakkut ineriartornerlu ingerlaannassappat siunissami. Soorlu qupperneq 2-mi

tabeli 1-imi takuneqarsinnaasoq, Tasiilami meeqqanut nukarlernut meeraaqqerivinniittussatut ukioqartunut inissat amigaatigineqarput. Taamaattumik meeqqanut nukarlernut inissanik amerlanernik pilersitsinissamik pisariaqartitsisoqarpoq.

Meeqqanut Atuarfeqarnermullu Ingerlatsiviup ilimagaa, Tasiilami angerlarsimaffimmi paaqqinnittarnermut akuersisarnermi inatsisitigut piumasaqaatit illuni arlalinni eqqortinneqanngitsut, tak. Meeqqanut sulii atualinngitsunut perorsaanikkut ineriartuutaasunik ulluunerani neqeroorutit pillugit Inatsisartut inatsisissaanni nr. 16, 3. december 2012-meersumi § 12-imi. Taamaammatt Meeqqanut Atuarfeqarnermullu Ingerlatsivik inassuteqaateqarpoq ulluunerani paaqqinnittarfeqarfimmik pilersitsisoqassasoq, tassunga ulluunerani paaqqinnittartut ullaat tamaasa takkuttassallutik.

Meeqqanut Atuarfeqarnermullu Ingerlatsivik naliliivoq ulluunerani paaqqinnittarfimmi angerlarsimaffimmi paaqqinnittarneq tallimanut-arfinilinnut taamaalillunilu meeqqanik 0-6 ukiulinnik 24-nik paaqqutarineqarnissaannut inissaqassasoq. Tamanna 2020-mi missingersuusiornermut isumaqatigiinniutigineqarnerannut siunnersuutaassaaq.

Ittoqqortoormiit

Ittoqqortoormiini meeqqat sisamat meeraaqqerivimmu/ angerlarsimaffimmi paaqqinnittartumut utaqqisunut allattuivimmiipput. Meeqqat meeqqerivimmiittut arfinillit atuarfimmu aasamut nuunneqarpata paaqqinnittarfimmi meeqqanut nutaanut inissaqalissaaq. Ittoqqortoormiini meeqqat katillugit 38-t 0-6 ukioqarput.

Ittoqqortoormiini utaqqisunut allattuivimmiinnermut tunngatillugu siusinnerusukku ajornartorsiuteqarnikuunngilaq, aammalu Meeqqanut Atuarfeqarnermullu Ingerlatsiviup ilimaginngilaa ulluunerani paaqqinnittarfinnut inissanut utaqqisuniittoqarnissaa siunissami ajornartorsiutaalerumaartoq. Siunissami pisariaqartitsisoqartoq paasinarsissapput Meeqqanut Atuarfeqarnermullu Ingerlatsivik naliliivoq angerlarsimaffimmi paaqqinnittartut ataatsimik ilasariaqassasut.

Paamiut

Paamiuni utaqqisunut allattuivimmiittoqanngilaq.

Nunaqarfiit

Nunaqarfinni angerlarsimaffimmi paaqqinnittartoqarpoq ulluuneranilu paaqqinnittarfeqarluni, tassani sulisut amerlassusaat pisariaqartitsineq malillugu Meeqqanut Atuarfeqarnermullu Ingerlatsiviup aaqqiivigisarpai.

Aningaasaqarnermik isumalluuteqarnermillu naliliineq

Ilisimatitsilluni suliamik saqqummiinnermi uani siunnersuutit 2020-mut missingersuutit isumaqatiginiutigineqarnissaannut MA-mut ingerlatsiviup inassuteqaataanut ilaassapput.

Inatsisitigut tunngavissaq allakkallu tunngaviusumik uppersaatitalit

Meeqqanut sulii atualinngitsunut perorsaanikkut ineriartuutaasunik ulluunerani neqeroorutit pillugit Inatsisartut inatsisissaat nr. 16, 3. december 2012-meersoq.

Ingerlariaqqinnissaq

Tasiilami ulluunerani paaqqinnittarfimmik pilersitsinissaq pillugu siunnersuut 2020-mut missingersuutini saqqummiunneqassaaq.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Nuummi Tasiilamilu paaqqinnittarfinni inissat amigaataaneri pillugit innuttaasunit ingerlaavartumik saaffiginnittoqartarpoq.

Ingerlatsivinniit allaniit oqaaseqaatigineqartut

Sanarfinermut Avatangiisinullu Ingerlatsivimmiik oqaaseqaatigineqarpoq ulluunerani paaqqinnittarfissat nutaat taavalu illut taarseneqartariaqartut qaqugukkut aallartisarneqassanersut ullulersorneri eqqortuusut.

Siornatigut aalajangerneq

Meeqqanut Atuarfeqarnermullu Ataatsimiititap aalajangernera 7. maj 2019-meersoq:

Inassuteqaatit akuerineqarput

Ilannangussat

Soqanngilaq

IMMIKKOORTOQ 05B: 17/18-imi ukiumi atuarfiusumi atuarfiit pitsaassusii pillugit nalunaarusiaq

Beslutning

Inassuteqaat imatut oqaaseqaatitalerlugu akuersissutigineqarpoq, imannak oqaaseqaatitalerlugu:

Atuarfik pillugu Kommunalbestyrelsip immikkut sammisaqartinneqarnissaa kissaatigineqartoq.

Ilanngussat

Bilag 1. Skolernes-fælleskvalitetsrapport-KAL.docx

Bilag 2.. Kval rapport AHL-.docx

Bilag 3. Kval rapport - Arsur - (2) - Kopi.docx

Bilag 4. Kval rapport ASK - Kopi.docx

Bilag 5. Kval rapport - Tuisaaq.docx

Bilag 6. Kval rapport Kang..docx

Bilag 7. Kval rapport Nuussuup.docx

Bilag 8. Kval rapport Tasiilami Alivarpia.docx

Bilag 9. kval rapport USK - Kopi.docx

Bilag 10. Kval rapport Isertoq (1) - Kopi.docx

Bilag 11. Kval rapport Kapisillit.docx

Bilag 12. Kval rapport Kulusuk.docx

Bilag 13. Kval rapport Kuumiut.docx

Bilag 14. Kval rapport - Qeqertarsutsiaat - (1).docx

Bilag 15. Kval rapport Sermiligaap Alivarpia.docx

Bilag 16 Kval rapport Tiilerilaaq.docx

Bilag 17. Kval Ittoqqortoormiit.docx

17/18-imi ukiumi atuarfiusumi atuarfiit pitsaassusii pillugit nalunaarusiaq

Ilisimatitsissut

J.nr.: 51.00-G01-435-18

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Atuarfiit pitsaassuseq pillugu nalunaarusiaat kiisalu ingerlatsiviup atuarfiit pitsaassusii pillugit ataatsimut nalunaarusiaa Meeqqanut Atuarfeqarnermullu Ataatsimiititamut matumuuna saqqummiunneqarput. Atuarfiit pitsaassuseq pillugu nalunaarusiaat Atuarfik pillugu Inatsisartut inatsisaat nr. 15, 3. december 2012-imeersoq § 49 naapertorlugu suliaapput, atuarfiit ukioq atuarfiusoq kingulleq nalunaarusiarisartagaannik imaqarlutik Tamatuma saniatigut ingerlatsivik atuarfiit pitsaassusii pillugit ataatsimut nalunaarusiornikuuvoq, atuarfiit pitsaassuseq pillugu nalunaarusiaanni pingaernerit naatsumik eqikkaarneqarnerannik imaqartoq.

Suliaq Meeqqanut Atuarfeqarnermullu Ataatsimiititami 7. maj 2019 oqaluuserineqarpoq, tassanilu ataatsimiititamit suliaq tusaatissatut tiguneqarpoq, suliarlu Aningaasaqarnermut Inuussutissaqarnermullu Ataatsimiititamut Kommunalbestyrelsimullu ilisimatitsissutitut ingerlateqqinneqarluni.

Inassuteqaatit

Meeqqanut Atuarfeqarnermullu ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Ilisimatitsissut tusaatissatut tiguneqassasoq.
- Ilisimatitsissut Kommunalbestyrelsimut ingerlateqqinneqassasoq

Suliassamik saqqummiussineq

Atuarfiit pitsaassuseq pillugu nalunaarusiaat Atuarfik pillugu Inatsisartut inatsisaat nr. 15, 3. december 2012-imeersoq § 49 naapertorlugu suliaapput, atuarfiit ukiumi atuarfiusumi kingullermi alloriarfinni misilitsernermi aamma inaarutaasumik misilitsinnermi angusat, iliuusissamik pilersaarutit il.il. nalunaarusiarisartagaannik imaqarlutik Tamatuma saniatigut ingerlatsivik atuarfiit pitsaassusii pillugit ataatsimut nalunaarusiornikuuvoq, atuarfiit pitsaassuseq pillugu nalunaarusiaanni pingaernerit naatsumik eqikkaarneqarnerannik imaqartoq.

Atuarfiit ilaat 17/18-imi ukiumi atuarfiusumi ingerlatsiviup qulequtsiussimasaata ilaannik suliniuteqarsimanermik taakkulu tunngavigalugit 18/19-imi ukiumi atuarfiusumi anguniagassaliorsimanermik allaaserinnissimapput. Pitsaassuseq pillugu nalunaarusiaq aamma ukiup atuarfiusup siuliani anguniagaasimasunik nanginneqarsimasunut tunngasunik kiisalu ukiumi atuarfiusumi anguniagaasunik imaqarpoq.

Tamatuma saniatigut alloriarfinni misilitsinnerit aamma inaarutaasumik misilitsinnermi karakterit atuarfinit qitiutinneqarput.

Atuarfiit pitsaassuseq pillugu nalunaarusiaanni aamma takuneqarsinnaavoq atuartut soraarummeertut ilinniagassamik inuussutissarsiuteqarnissamilu toqqaasarnerat. Tassani takuniqarsinnaavoq kissitsisit atuartut sorarummeertut ilinniakkamik aallartingitsut 4 procentpoint-

mik apparsimasut siornamut 2017-mut naleqqiullugit. Tassani ilisimatitsissutigissavarput atuartut soraarummeertut ilinniakkamik aallartingitsut akornanni aamma suliffillit taavalu oqaatsit pillugit angalasussat ilaammata. 2017-mi atuartut sorarummeertut ilinniakkamik aallartingitsut 38 % - put 2018-milu 34 %-ullutik.

Kommunip atuariini tamani ilinniartitsisut ilinniarsimangitsut ikileriarsimapput. Ukiuni atuariusuni kingullerni sisamani allanngoriartorneq skiimap matuma kinguliini takuneqarsinnaavoq.

Ukioq atuariusoq:	Ilinniartitsisut ilinniarsimasut	Nukarlerni ilinniartitsisut	Timelærerit	Katillugit
2014/2015	84,94 % (299)	5,4 % (19)	9,7 % (34)	352
2015/2016	85,91 % (311)	5 % (18)	9,12 % (33)	362
2016/2017	88,92 % (305)	2,33 % (8)	8,75% (30)	343
2017/2018	91,39 % (329)	0,83 % (3)	7,5 % (27)	360

Aaqqiissutissatut siunnersuut – suliatigut naliliineq
Soqanngilaq

Aningaasatigut sulisoqarnikkullu naliliinerit
Soqanngilaq

Inatsisitigut tunngavissaq allakkallu tunngaviusumik uppersaatitallit
Atuarfik pillugu Inatsisartut inatsisaat nr. 15, 3. december 2012-imeersoq § 49

Ingerlariaqqinnissaq
Soqanngilaq

Aningaasaqarnermut Allatseqarfimmit oqaaseqaatit
Aningaasaqarnermut Allattoqarfimmit oqaaseqartitsisoqarsimangilaq.

Innuttaasunik peqataatitsineq/attaveqaqatigiinneq
Innuttaasunik peqataatitsinertaqanngilaq

Ingerlatsivinniit allaniit oqaaseqaatigineqartut
Soqanngilaq

Siornatigut aalajangerneq
Meeqqanut Atuarfeqarnermullu Ataatsimiititap aalajangernera 7. maj 2019-meersoq:
Inassuteqaatit akuerineqarput

Ilanngussat

1. Ataatsimut pitsaassutsimik nalunaarussiaq qall./kal.
2. Pitsaassutsimik nalunaarussiaq AHL
3. Pitsaassutsimik nalunaarussiaq Arsuk
4. Pitsaassutsimik nalunaarussiaq ASK
5. Pitsaassutsimik nalunaarussiaq Tuiisaaq
6. Pitsaassutsimik nalunaarussiaq Kang
7. Pitsaassutsimik nalunaarussiaq Nuussuup

8. Pitsaassutsimik nalunaarusiaq Tasiilaq
9. Pitsaassutsimik nalunaarusiaq USK
10. Pitsaassutsimik nalunaarusiaq Isertoq
11. Pitsaassutsimik nalunaarusiaq Kapisillit
12. Pitsaassutsimik nalunaarusiaq Kulusuk
13. Pitsaassutsimik nalunaarusiaq Kummiit
14. Pitsaassutsimik nalunaarusiaq Qeqartarsuatsiaat
15. Pitsaassutsimik nalunaarusiaq Sermiligaaq
16. Pitsaassutsimik nalunaarusiaq Tiilerilaaq
17. Pitsaassutsimik nalunaarusiaq Ittoqqortoormiit

IMMIKKOORTOQ 05C: Nakkutilliinermi nalunaarusiat

Beslutning

Inassuteqaatit akuerineqarput.

Ilanngussat

Endelig tilsynsrapport Tupaarnaq marts 2019 selvstyre.pdf

Nakkutilliinermiit nalunaarusiit

Meeqqat angerlarsimaffiat Tupaarnaq

Ilisimatitsissut

J.nr.: 42-00

Meeqqanut Ilaqutariinnullu Ingerlatsivik - Pisortaq Martha Lund Olsen / MLOL

Suliassamik eqikkaaneq

Kommunip Nuummi meeqqanut angerlarsimaffiutaa Tupaarnaq ukiup aallartinnerani nakkutilliartorfineqarsimavoq Isumaginninnermut Inatsisinillu Atuutsitsinermut Naalackersuisoqarfimmiit. Nakkutilliinermik ingerlatsivimmiit nakkutilliartoreernerup kingorna piunasaqaatinik innersuussutinillu tunniussaartoqarpoq. Piunasaqaatigineqarpoq najugaqartut marluk iliuusissamik pilersaarusiorfigineqarnissaat isumagineqassasut kiisalu Tupaarnami ammanerusumik angajoqqaat peqataatinneqarnissaannut sullissisoq akuutinneqassasooq piunasaqaatigineqarpoq, taamaalilluni ataasiakkaanut peqatigiinnissamik isumaqatigiissusiordermi peqataasalersinnaaqullugit. Taakku saniatigut najugaqartut tamarmik nammineq iniminni namminerlu siniffimminni sinittarnissaat sulissutigineqassasooq innersuussutigineqarluni. Nakkutilliisoqarnerani uparuaatit tiguneqartut meeqqat angerlarsimaffiani aqutsisunit ingerlatsivik isumasiorneratigut isumagineqassapput.

Suliaq Sanarfinermut Avatangiisinullu Ataatsimiititap maajip 9-ani 2019-imi ataatsimiinnerani oqaluuserineqarpoq, ataatsimiititallu inassuteqaat akuersissutigaa suliarlu inaarutaasumik akuersissutigisassanngorlugu Aningaasaqarnermut Inuussutissarsiornermullu Ataatsimiititamat kiisalu Kommunalbestyrelsimut ilisimatitsissutitut ingerlateqqillugu.

Inassuteqaatit

Meeqqanut Ilaqutariinnullu Ataatsitap Ataatsimiititap Aningaasaqarnermut Inuussutissarsiornermullu Ataatsimiititamat inassuteqaatigaa:

- Ilisimatitsissut Aningaasaqarnermut Inuussutissarsiteqarnermullu Ataatsimiititamat tusaatissatut tiguneqassasooq.
- suliaq ilisimatitsissutitut Kommunalbestyrelsimut ingerlateqqinneqassasooq

Suliassamik saqqummiussineq

Kommunip Nuummi meeqqanut angerlarsimaffiutaa Tupaarnaq ukiup aallartinnerani nakkutilliartorfineqarnissamik Isumaginninnermut Inatsisinillu Atuutsitsinermut Naalackersuisoqarfimmiit ilimasaarneqarsimavoq.

Meeqqat Angerlarsimaffiat Tupaarnaq meeqqanik inuusuttunillu nalinginnaasumik silassorissusilinnik inuuniarnikkulli ajornartorsiortunik arfinilinniit 18-inut ukiulinnik tiguisarpoq, sivitsuinissarlu periarfissaatinneqartarpoq. Tupaarnaq Meeqqanut immikkoortortaa meeqqanut arfiniliit 12-inut ukiulinnut arfinilinnut inissaqarpoq, Inuusuttunullu immikkoortortaa inuusuttunut 12-iiit 18-inut ukiulinnut pingasunut inissaqarluni.

Meeqqat Angerlarsimaffiat 18-ileereersimasunik tigungmiaqarsinnaavoq, tassa meeqqap sungiusimasaminiiginnarnissaa meeqqamut pitsaanerpaajusoq qulaajaanermi nakkutilliinermilu paasinarsisimatillugu. Meeqqamik inissiineq piffissami sivikitsumi imaluunniit sivisunerusumi pisinnaavoq.

Isumaginninnermut Inatsisinillu Atuutsitsinermut Naalackersuisoqarfimmiit (tamatumaa kingorna nakkutilliinermik ingerlatsivik) siumut nalunaaruteqareernikkut nakkutilliartortoqarpoq. Nalinginnaasumik nakkutilliartorneruvoq immikkut isiginiagaqarfiunngitsooq Nakkutilliinermik ingerlatsivimmiit naliliineq nakkutilliartorneq sioqqullugu, nakkutilliartornermi kingornalu paasissutissaatinit assigiinngitsunit tunngaveqarpoq.

Nakkutilliinermi uku pineqarput:

- Immikkoortortami aqutsisup forständerillu ilisarititsinertalimmik ataatsimeeqatigineqarnerat.
- Sulisut pingasut apersorneqarneri/oqaloqatigineqarneri.
- Najugaqartut marluk oqaloqatigineqarneri.
- Illuutiniq misissuillunilu takornariarneq
- Paarlaannermi/ullaakkut ataatsimiinnermi najuunneq
- Inaarutaasumik ataatsimiinneq, angerlarsimaffiullu pisortaa peqatigalugu eqikkaaneq

Aaqqiissutissatut siunnersuut – suliatigut naliliineq

Nakkutilliisoqarnerani pingaarnertut inerniuliunneqarpoq, Tupaarnaq tassaasoq paaqqinniffik kulturimut tunngasunik toqqammavilik. Meeqqat angerlarsimaffiat arfinilinnik perorsaasunik sulisoqarpoq, sullinneqartunillu misilittagaqarluartunik arlalinnik sulisoqarluni. Aalajaatsunik piumasuseqartunillu sulisoqarnera malunnarpoq, aamma akunnerminni najugaqartunullu annertuumik ataqqinninneq atuulluni.

Nakkutilliinermik ingerlatsivimmiit nakkutilliartoreernerup kingorna piunasaqaatinik innersuussutinillu tunniussaqaartoqarpoq, taakkulu iliuusissamik pilersaaruseriorfigineqassapput. Piunasaqaatit innersuussutinillu ukuupput:

- Najugaqartut marluk iliuusissamik pilersaaruseriorfigineqarsimanngimmata isumagineqassasut piunasaqaatigineqarpoq
- Tupaarnami ammanerusumik angajoqqaat peqataatinneqarnissaannut sullissisoq akuutinneqassasoq piunasaqaatigineqarpoq, taamaalilluni ataasiakkaanut peqatigiinnissamik isumaqatigiissusiormi peqataasalersinnaaqqullugit.
- Najugaqartut tamarmik nammineq iniminni namminerlu siniffimminni sinittarnissaat sulissutigineqassasoq innersuussutigineqarpoq.

Tamatuma sanitigut Nakkutilliinermik ingerlatsiviup nakkutilliartornera allatigut oqaaseqaatissarsiffigineqanngilaq.

Aningaasatigut sulisoqarnikkullu naliliinerit

Nakkutilliinermi nalunaarusiami erseqqissarneqarpoq, meeqqat angerlarsimaffiani Tupaarnami meeqqanut pitsaanerpaamik atugassaqaartitsinissamut sulisut pisariaqartinneqartut pisariaqartunillu piginnaasaqartut pigineqartut.

Inatsisitigut tunngavissaq allakkallu tunngaviusumik uppersaatitalit

Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat nr. 19, 24. novembari 2017-imeersoq.

Meeqqat tapersorsorneqarnissaannut Inatsisartut inatsisaat nr 20, 26 juni 2017-imeersoq §§9-11

Ingerlariaqqinnissaq

Nakkutilliisoqarnerani uparuaatit ikittunnguit tiguneqartut meeqqat angerlarsimaffiani aqutsisunit ingerlatsivik isumasiorneratigut isumagineqassapput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatitsisoqarsimanngilaq.

Siornatigut aalajangerneq

Meeqqanut Ilaqutariinnullu Ataatsimiititap aalajangernera 09. Maajii 2019-meersoq:
Ilisimatitsissut tusaatissatut tiguneqarpoq.

Ilanngussaq

1. Nakkutilliinermiit nalunaarusiat Isumaginninnermut Inatsisinillu Atuutsitsinermut Naalakkersuisoqarfimmeersut

IMMIKKOORTOQ 05D: Inatsisartut Ombudsmandianit nakkutilliinermi nalunaarusiaq

Beslutning

Inassuteqaatit akuerineqarput.

Ilanngussat

Bilag 1.pdf

Inatsisartut Ombudsmandianit nakkutilliinermi nalunaarusiaq

Meeqqat angerlarsimaffiat Tupaarnaq

Ilisimatitsissut

J.nr.: 42.00

Meeqqanut Ilaqutariinnullu Ingerlatsivik - Pisortaq Martha Lund Olsen / MLOL

Suliassamik eqikkaaneq

Meeqqat angerlarsimaffiat Tupaarnaq Inatsisartut Ombudsmandianit ilimasaaruteqareernikkut nakkutilliivigineqarpoq. Nakkutilliinerup kingorna oqaaseqaatissaqanngilaq, taamaallaat pissaanermik atuineq pillugu inatsimmik sulisut tigusinerminnut uppernarsaasarnissaat taavalu najugaqartut angajoqqaatullu oqartussaassuseqartut naammagittaalliornissamut periarfissaqarnerat pillugu ilisimatinneqarnissaat qulakkeerneqartassasoq annikitsumik peqqusissutit pineqarput, Pissaanermik atuineq pillugu inatsimmi § 27 immikkoortoq II innersuussutigalugu. Peqqusissutit Meeqqat angerlarsimaffiani aqutsisunit tusaatissatut tiguneqarput.

Suliaq Meeqqanut Ilaqutariinnullu Ataatsimiititap maajip 9-ani 2019-imi ataatsimiinnerani oqaluuserineqarpoq, ataatsimiititallu inassuteqaat akuersissutigaa suliarlu inaarutaasumik akuersissutigisassanngorlugu Aningaasaqarnermut Inuussutissarsiornermullu Ataatsimiititamat kiisalu Kommunalbestyrelsimut ilisimatitsissutit ingerlateqqillugu.

Inassuteqaatit

Meeqqanut Ilaqutariinnullu Ataatsitap Ataatsimiititap Aningaasaqarnermut Inuussutissarsiornermullu Ataatsimiititamat inassuteqaatigaa:

- Ilisimatitsissut Aningaasaqarnermut Inuussutissarsiuqarnermullu Ataatsimiititamit tusaatissatut tiguneqassasoq.
- suliaq ilisimatitsissutit Kommunalbestyrelsimut ingerlateqqinneqassasoq

Suliassamik saqqummiussineq

Nuummi kommunip Meeqqanut angerlarsimaffiitaa Tupaarnaq ukiup aallartinnerani Inatsisartunut Ombudsmandimit ilimasaaruteqarnikkut nakkutigisaavoq.

Meeqqat Angerlarsimaffiat Tupaarnaq meeqqanik inuusuttunillu nalinginnaasumik silassorissusilinnik inuuniarnikkulli ajornartorsiortunik arfinilinniit 18-inut ukiulinnik tigusisarpoq, sivitsuinissarlu periarfissaatinneqartarpoq. Tupaarnaq Meeqqanut immikkoortortaa meeqqanut arfiniliit 12-inut ukiulinnut arfinilinnut inissaqarpoq, Inuusuttunullu immikkoortortaa inuusuttunut 12-iniit 18-inut ukiulinnut pingasunut inissaqarluni.

Meeqqat Angerlarsimaffiat 18-ileereersimasunik tigungmiaqarsinnaavoq, tassa meeqqap sungiusimasaminiiginnarnissaa meeqqamut pitsaanerpaajusoq qulaajaanermi nakkutilliinermilu paasinarsimatillugu. Meeqqamik inissiineq piffissami sivikitsumi imaluunniit sivisunerusumi pisinnaavoq.

Ombudsmandip nakkutilliartornissaa pitinnagu oqarasuaatikkut aamma allakkatigut ilimasaarutigineqarpoq. Aammattaaq nakkutilliartorneq pitinnagu angerlarsimaffik najugaqartullu pillugit allakkatigut atugassat Ombudsmandimut tunniunneqarput. Nakkutilliinerup nalaani nakkutilliartortut pisortaasoq immikkoortortaqarfirmilu aqutsisut marluk kiisalu sulisut tallimat najugaqartullu sisamat oqaloqatigineqarput. Nakkutilliartortutaaq angerlarsimaffiup initai alakkarterpaat.

Aaqqiissutissatut siunnersuut – suliatigut naliliineq

Meeqqat angerlarsimaffiat Ombudsmandimit pitsaasutut isigineqarpoq najugaqartullu toqqiissimanartumik angerlarsimaffippalaartumik avatangiiseqarnissaat Tupaarnami aqutsisunit pingaartinneqartoq naliliiffigineqarlutik, taavalu najugaqartut eqqarsaatigalugit pissaaneq atorlugu

iliuseqartarnej sapinngisamik killilimmik iliuseqartarlutik. Sulisut isumassuilluartuupput, peqqissaarussilluartuupput tunniusimalluinnartuullutillu. Init eqqiluitsuupput, kusanarlutik nuannerlutillu.

Ombudsmandip nakkutilliarernerata kingorna oqaaseqaatissaqanngilaq, taamaallaat pissaanermik atuineq pillugu inatsimmik sulisut tigusinerminnut uppersaasarnissaat taavalu najugaqartut angajoqqaatullu oqartussaassuseqartut naammagittaalliornissamut periarfissaqarnerat pillugu ilisimatinneqarnissaat qulakkeerneqartassasoq annikitsumik peqqusissutit pineqarput, naleqqjuguk Pissaanermik atuineq pillugu inatsimmi § 27 immikkoortoq II.

Aningaasatigut sulisoqarnikkullu naliliinerit

Nakkutilliinermut nalunaarusiat marluusut naapertorlugit meeqqat angerlarsimaffianni Tupaarnami pisariaqartitaminnik sulisoqarpoq, eqqortunik piginnaasalinnik taavalu meeqqat pitsaanerpaanik atugassinniarlugit eqqortunik pikkoriffeqartunik.

Inatsisitigut tunngavissaq allakkallu tunngaviusumik uppersaasatitallit

Meeqqat tapersorneqarnissaannut Inatsisartut inatsisaat nr 20, 26 juni 2017-imeersoq §§9-11 Inatsisartut ombudsmandiat pillugu Inatsisartut inatsisaat nr. 7, 1. juni 2017-meersoq

Ingerlariaqqinnissaq

Peqqusissutit Meeqqat angerlarsimaffianni Tupaarnami aqutsisunit tusaatissatut tiguneqareerput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqarsimanngilaq.

Siornatigut aalajangerneq

Meeqqanut Ilaqutariinnullu Ataatsimiititap aalajangernera 09. Maajii 2019-meersoq:
Ilisimatitsissut tusaatissatut tiguneqarpoq.

Ilanngussaq

1. Inatsisartut Ombudsmandianit nakkutilliinermut nalunaarusiaq

IMMIKKOORTOQ 05E: Kommunitut pilersaarummut tapiliussaḡ Illut eriaginartut – Inaarutaasumik akuersissutigineqarnera

Beslutning

Inassuteqaatit akuerineqarput.

Ilanngussat

Bilag 1 KAL.pdf

Bilag 2 kal.pdf

KPT_Byatlas KAL.pdf

ByAtlas dk_uddrag.pdf

Kommunimut pilersaarummut tapiliusseq Illut eriaginartut – Inaarutaasumik akuersissutigineqarnera

Nuuk Illoqarfiup assinga

Aalajangiiffigisassaq

J.nr.: 16.03.01.01-P16-23-17

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Kommunimut pilersaarummut tapiliusseq siunnersuut Nuummi illut eriaginartut kommunimut pilersaarummi Illoqarfiup assinga Nuummut tunngaveqalersinneqarnissaa, taamaasilluni Nuummi illutoqqat kingornussat eriagineqarnissaasa nukittorsarneqarnissaat siunertaavoq Taamaasilluni kommunimut pilersaarummut tapiliusseq aamma Illoqarfiup assinga Nuuk ingerlatsivimmut illunillu piginnittunut atorluagassaassaaq Nuummi illutoqqat kingornussat eriaginissaannut nukittorsarnissaannullu tunngatillugu.

Nuuk Illoqarfiup assinga Kommuneqarfik Sermersuumi Nunatsinnilu siullersaalluni kulturimut nunap assingaa, tamannalu Nuummi illut kingornussat attatiinnarnissaannut misigisaqarfiginerunissaannullu suliniutip ukkatarinissaannut sakkussaavoq.

Kommunimut pilersaarummut tapiliusseq sapaatit akunnerni arfineq pingasuni tamanut tusarniaassutigineqarpoq, tassanilu illuatungerisanit marlunnit akissutit tiguneqarput. Aammattaaq suliffiup avataaniit siunnersortimit kukkunersiorneqarput, taamaammat oqaasertaliussat allangortinneranut tunngassuteqarnerusunik annikitsunik iluarsisassanik tusarniaassummut akissutit peqarput.

Suliaq Sanarfinermut Avatangiisinullu Ataatsimiititap 07. maaji 2019 ataatsimiinnerani eqqartorneqarpoq, inassuteqaatigineqartorlu akuersissutigineqarluni, suliarlu Aningaasaqarnermut Inuussutissarsiornermullu Ataatsimiititamut Kommunalbestyrelsimullu inaarutaasumik akuersissutigisassanngorlugu ingerlateqqillugu.

Inassuteqaatit

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Sanaartukkat eriaginartut Kommunip pilersaarutaanut tapiliusseq akuerineqassasoq
- Sanaartukkat eriaginartut pillugit Kommunimut pilersaarummut tapiliusseq inaarutaasumik akuerisassanngorlugu Kommunalbestyrelsimut ingerlateqqinneqassasoq.

Suliassamik saqqummiussineq

Kommunimut pilersaarummut tapiliusseq siunnersuut Nuummi illut eriaginartut kommunimut pilersaarummi Illoqarfiup assinga Nuummut tunngaveqalersinneqarnissaa siunertaavoq. Taamaasilluni kommunimut pilersaarummut tapiliusseq aamma Illoqarfiup assinga Nuuk ingerlatsivimmut illunillu piginnittunut atorluagassaassaaq Nuummi illutoqqat kingornussat

eriaginissaannut nukittorsarnissaannullu tunngatillugu. Kommunimut pilersaarummut tapiliusaaq naapertorlugu Nuummi illut sorliit eriagisassaannersut aamma qanoq aserfallatsaaliorneqassannersut aalajangersarneqassapput.

Aaqqissugaaneq

Kommunimut pilersaarummut tapiliusaaq Nuuk Illoqarfiup assinga ilanngullugu atuarneqassaaq. Immikkoortoq 1-imiipput Nuummi illoqarfiup immikkoortuini eriagisassat assigiinngitsut nassuiarneqarneri kiisalu sooq eriagisassaannersut pillugit nassuiaat. Immikkoortoq 2-miipput illoqarfimmi illut 74-it eqqissitat eriagisassallu tamarmik misissuataarneqarneri nalunaarsornerilu.

Illut eriagisassat aserfallatsaaliorneqarnerinut, allanngortiternerinut aamma/imaluunniit allilerneqarnerinut atatillugu illumik piginnittut qanoq iliortoqarsinnaanersoq/iliortoqassanersoq kommunimut pilersaarummut tapiliussami aalajangersakkatigut nassuiaatitaqarpoq.

Kommunimut pilersaarummut tapiliussami tunngaviit tassaapput:

- Nuummi illut sorliit eqqissisimatitaannersut imaluunniit eriagisassaannersut aalajangersassallugit.
- Nuuk Illoqarfiup assinga atorlugu illut pineqartut qanoq naleqarnersut takussutissiaralugit taamaalillutillu pitsanngorsarnissaannut suliarineqalissagaluarpata aamma/imaluunniit ilaneqalissagaluarpata assigisaannillu qanoq attanniarneqarnissaat qulakkeerneqarsinnaannersut.
- Ataatsimut illutoqqat kingornussat aserfallatsaaliornissaannut sakkussat pillugit nassuiaateqassasoq
- Eriagisassa qarfiit illullu eqqarsaatigalugit kommune pitsaanerpaamik qanoq iliorsinnaaneranut tunngavissanik aalajangersagaqassasoq
- Illut eriagisassat pillugit sullissinermi pingaarnertut malittarisassaliortoqassasoq.

Aaqqiissutissat siunnersuut – suliatigut naliliineq

Kommunimut pilersaarummut tapiliusaaq Nuuk Illoqarfiup assinga ilanngullugu illut eriagisassat pillugit ingerlatsiviup suliaqarnerani sakkussat atorneqassapput taavalu illunik eriagisassanik piginnittut illutik pillugit qanoq iliorsinnaanerlutik qanorlu iliortariaqarnerlutik ilitsersuutitut atorsinnaallugit.

Nuuk Illoqarfiup assingata ilaani allami illut misissornerini angusat imaapput, illut arlallit eriagisassatut nalorninartuusut. Taamaattumik illut arlallit eriagisatut inissisimanerisa atorunnaarsinneqarnissaat pilersaarutaavoq, ilaatigut oqaluttuarisaaneq pillugu illut pitsaanerumsumik oqaluttuassartaqartut iliuuseqarfigineqarnerisa pitsaanerumsumik ukkatarineqarnissaat anguniarlugu.

Naggataatigut kommunimut pilersaarummut tapiliusaaq naapertorlugu siunissami kommunimi illoqarfimmik nutarsaaneq pillugu aningaasaliissutissaqarnissaq ammaanneqassaaq. Illoqarfimmi illut eriagisariaqakkat iluarsartuuttarnissaannut atatillugu tapiissuteqartarnissaq eqqarsaatigalugu

atorneqartassasoq siunertaavoq. Suliat tapersorsorneqarsinnaasutut assersuutit tassaasinnaapput:

- Nukissiuuteqarnikkut sipaartunut tunngasut.
- Silap pissusiinut illersuutit; illup qaliaanik, qarmakkap silarliup, matut isaarissallu, illup aniinganertaasa toqqaviatalu iluarsartuunneqarneri, taarsersorneri imaluunniit nutarterneqarneri.
- Inissiami perusuersartarfimmik uffarfimmillu namminerisamik anartarfeqanngitsumik pilersitsineq.
- Tamat kuuffissuannut atassusilersinneq

Suliassat siulliini taaneqartut tunngavigalugit illup eriaginassusianut qulakkeerinnittussaapput imaluunniit naleqassusianut annertusaasussaapput.

Aningaasatigut sulisoqarnikkullu naliliinerit

Kommunimut pilersaarummut tapiliussaq sulisutigut imaluunniit aningaasatigut kingunerisassaqqanngilaq, taamaattoq illoqarfiup kusassarnissaanut aningaasaliissutissamik taavalu kommune pillugu pilersaarnermik nalunaaruteqarnerup pilersitsinissamut innersuussutit malinneqassappata, kommunip illut pigisami eriagisassat aserfallatsaaliornissaannut aningaasanik immikkoortitsisoqartariaqartassaaq. Tamanna 2019-imut missingersuutit ilaattut pilersaarusioneqassaaq.

Inatsisitigut tunngavissaq allakkallu tunngaviusumik uppersaaitallit

Pilersaarusioneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq aamma Inatsisartut inatsisissaat nr. 34, 9. december 2015-imeersoq Kommunimut pilersaarut digitaliusoq www.sermersooq2028.gl

Ingerlariaqqinnissaq

Kommunimut pilersaarummut tapiliussap aamma Nuuk Illoqarfiup assingata inaarutaasumik akuersissutigineqareernerisa kingorna, kingullertut taaneqartup oqaatsit marluusut atorlugit naqiterneqarnissaa pilersaarutaavoq. Nuuk Illoqarfiup assingata kommunimut pilersaarummut tapiliussaq ilanngullugu illunik eqqissisititanik eriagisassanillu piginnittunut agguanneqassasut Ingerlatsivimmit siunertarineqarpoq.

Tamanut saqqummiussinerup saniatigut illoqarfiup illunik kingornussanik takutitsineranut Ingerlatsiviullu sulianik suliarinninneranut sakkussatut atorneqassaaq.

Illoqarfiup assinginik suliaqartoqarnissaa pilersaarutigineqarpoq, matumani ilaatigut Paamiut aamma Tasiilaq eqqarsaatigalugit.

Kommunimut pilersaarummut tapiliussap akuersissutigineqareernerata kingornatigut illut eriagisassatut aallaqqaammut inissisimalernissaannut siunniussaagaluartut eriagisassatut naleqarunnaartussatut nalilernerqartut eriagisassatut inissisimaneri ingerlatsivimmit atorunnaarsinneqassapput. Taamaallillutik illut eriagisassaasut sinneri sammeneqarnerulissapput aserfallatsaaliorneqarnissai aamma eqqarsaatigalugit.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit siuliini suliniutitut taakkartorneqartut pitsaasutut isigai suliasamilu saqqummiussa q innersuullugu.

Innuttaasunik peqataatitsineq/attaveqaqatigiinneq

Kommunimut pilersaarummut tapiliussa q sapaatip akunnerini arfineq pingasuni tamanut tusarniaassutigineqareerpoq, tassanilu illuatungerisanit marlunnit tusarniaassummut akissuteqartoqarpoq, ilaatigutllu Nuummit Eqqaamasat ataatsimeeqatigineqarlutik.

Nuuk Illoqarfiup assinga tusarniaassutigineqarnerata nalaani suliffiup avataani siunnersortimit kukkunersiorneqarpoq, ilaatigut suliame taaguutit eqqortut innersuussutillu atorneqarnissaat qulakkeerniarlugu. Tusarniaassummut akissutit ilanngullugit allanneqarnerinik annikitsunik iluarsisoqarnissaanik kinguneqarpoq, matumani oqaaseqatigiit allannqortinneqarnerinut tunngassuteqarnerusut pineqarlutik.

Ingerlatsivinniit allaniit oqaaseqaatigineqartut

Kommunimut pilersaarummut tapiliussa q ingerlatsivinni allani tusarniaassutigineqanngilaq taamaattumik oqaaseqaatinik allanik takkuttoqanngilaq.

Siusinnerusukku aalajangerneq

Sanarfinermut Avatangiisinullu Ataatsimiititap 07. maajii 2019-imi aalajangernera:
Ataatsimiititap inassuteqaat akuersissutigaa

Ilanngussat

1. Tusarniaanermut akissutinik suliarinninneq:
2. Tusarniaassummut akissutit
3. Nuummi illut eriagisassat pillugit Kommunimut pilersaarummut tapiliussa q pillugu periusissiaq
4. Nuuk Illoqarfiup assinga - *uddrag*

IMMIKKOORTOQ 05F: Kommunitut pilersaarummut tapiliussassatut siunnersuut 1C38 Qullilerfik, Nuuk

Beslutning

Inassuteqaatit akuerineqarput.

Ilanngussat

Kommunitut pilersaarummut tapiliussassatut siunnersuut 1C38 Qullilerfik Nuuk.pdf

Kommunimut pilersaarummut tapiliussassatut siunnersuut 1C38 Qullilerfik, Nuuk

Aalajangiiffigisassaq

J.nr.: 16.03.01.01-P16-16-18

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Kommunimut pilersaarummut tapiliussassatut siunnersuutip 1C38 Qullilerfiup siunertaraa immikkoortup ilaa nutaaq pilersinneqassasoq taannalu ataatsimoorussamik atorineqassasoq, matumani inissiat, pisiniarfiit, inuussutissarsiortut, suliffeqarfiit il. il.. Siunnersuuteqarnikkut sanaartorfissat nutaat pilersinneqassapput, taamaattoqarneratigullu quleriit tallimat tungaannut portutigisunik inissianik pioreersunik eqikkaanissaq periarfissaalerluni. Tamatumunnga peqatigitillugu sanaartukkat nutaat sumiiffiup avatangiisaanut naleqqussagaassasut kommunimut pilersaarummut tapiliussami qulakkeerneqassapput taavalu immikkoortup siunissami ineriartortinnissaanut immikkoortumi pisuffiit sanaartorfiunngitsullu taamaatiinnarneqarnissaat qulakkeerneqassallutik.

Suliaq Sanarfinermut Avatangiisinullu Ataatsimiititap 07. maaji 2019-imi ataatsimiinnerani oqaluuserineqarpoq, ataatsimiititallu inassuteqaatit akuersissutigai suliarlu Aningaasaqarnermut Inuussutissarsiornermullu Ataatsimiititamut inaarutaasumik akuersissutigisassanngorlugu kiisalu Kommunalbestyrelsimut ilisimatitsissutitut ingerlateqqillugu.

Inassuteqaatit

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- siunnersuut, Kommunimut pilersaarummut tapiliussassatut siunnersuut 1C38 Qullilerfik, Nuuk sapaatip akunnerini arfineq pingasuni tamanut tusarniutigisassanngorlugu akuersissutigineqassasoq
- Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Nuup alliaartornera ilutigalugu inissiaqarfiit eqiternissaannut pisariaqartitsineq annertusiartorpoq, kiisalu sukisaarsarfiit aqquataasa illoqarfiullu immikkoortuini illoqannginnersat illoqarfiup innuttaanut tikeraavinullu nuannaarutaasussamik qulakkeerneqarnissaat pitsanngorsarnissaallu pisariaqarluni. Kommunimi Illuliortaatsimut politikki aamma kommunimut pilersaarut Sermersooq 2028 atuuttoq naapertorlugit immikkoortup ilaa nutaaq 1C38 Nuup qeqqani qitiusoqarfimmik pilersitsisoqarnissaa siunnersuutigineqarpoq.

Immikkoortup ilaani siunnersuut malillugu inissianik, inuussutissarsiutinik aamma pisortat suliffeqarfiinik sanaartorfissani nutaani tallimaasuni quleriisut tallimat tungaannut portussusilinnik Samuel Kleinschmidt Aqquataa tungaanoortuni pilersitsisoqarsinnaavoq. Init quleriit allersaat portusuumiimmat aqquserngup portoqataa nalaani inuussutissarsiutinut assigiinngitsunut qulaani inissialimmik pilersitsiortornissamat periarfissaqarpoq. Siunnersuut malillugu sanaartukkat

ilusaat pioreersut attanneqassapput illullu isua aqquserngup tungaanut sammissalluni. Taamaalillutik sungiusimasat ataavartumik attanneqassapput immikkoortorlu piffissap ingerlanerani ineriartortinneqarluni.

Ukioq 2011-mit "Imaneq pillugu ilusilersuinermi najoqqutassaq" aallaavigalugu illoqannginnersat Katersortarfiup aammalu Samuel Kleinschmidt akornanni qullersuit siunissami siunnersuuteqarnikkut qulakkeerneqarput. Qullilerfiup qaqqajunnartaa tamaat inuillu tamarmik aqquserngat sukisaasarfik sanaartorfiunngitsutut qulakkeerneqassaaq.

Aaqqiissutissatut siunnersuut – suliatigut naliliineq

Sanarfinermut Avatangiisinullu Ingerlatsiviup naliliinera malillugu Nuup pilerinartutut assigiinngisitaartutullu ineriartornissaa siunnersuuteqarnikkut ikorfartorneqarpoq, ilaatigullu tamanna Kommuneqarfik Sermersuup Illuliortaatsimut politikiani allaaserineqarpoq. Piffissap ingerlanerani nikerartumik ineriartortitsinissaq periarfissaatillugu siunnersuut patajaatsuusooq nalilerneqarpoq, ilaatigullu illut ataasiakkaat immikkoortup siunissami qitiusoqarfittut inissisimanissaa siunertaralugu sanaartorneqarsinnaallutik. Sanaartortitsisunut ataasiakkaanut sanaartorfissat eqaangaatsiartumik aaqqitaapput peqatigisaanillu sanaartortitsisumut najoqqutassat assigiissarneqarnissaat kiisalu illut akornanni angallaneq qulakkiigaallutik.

Aningaasatigut sulisoqarnikkullu naliliinerit

Kommunimut pilersaarummut tapiliussap suliarineqarnera immi aningaasatigut kingunerisassaqaqqanngilaq.

Inatsisitigut tunngavissaq allakkallu tunngaviusumik uppermarsaatitalit

Pilersaarusiorneq aamma nunaminertat atorineqartarnerat pillugit Inatsisartut inatsisissat nr. 17, 17. november 2010-imeersoq & Inatsisartut inatsisissat nr. 34, 9. december 2015-imeersoq Kommunimut pilersaarut digitaliusooq www.sermersooq2028.gl

Ingerlariaqqinnissaq

Pilersaarutissatut siunnersuut sapaatit-akunnerini arfineq-pingasuni piffissami 29.5.2019 – 24.7.2019 akornanni tamanut tusarniaassutigineqarnissaa naatsorsuutigineqarpoq.

Tusarniaassuteqarnerup piffissaliunneqarnera qaangiuppat akerliliissutit takkuttut ingerlatsivimmiit nalilersorneqarneri ingerlariaqqinnissamullu inassuteqaatit ilanngullugit Sanarfinermut Avatangiisinullu Ataatsimiititamut, Aningaasaqarnermut Inuussutissarsiornermullu Ataatsimiititamut aamma Kommunalbestyrelsimut inaarutaasumik akuersissutigisassanngorlugi ingerlateqqinneqassaaq.

Pilersaarut inaarutaasooq kommunip nittartagaani sermersooq.gl-imi aamma kommunimut pilersaarutip nittartagaani www.sermersooq2028.gl-imi tamanut takusassiarineqassaaq

Aningaasaqarnermut Allatseqarfimmit oqaaseqaatit

Soqaqqanngilaq

Innuttaasunik peqataatsineq/attaveqaqatigiinneq

Siunnersuutip suliarineqarneranut atatillugu immikkoortumi illunik piginnittut nunaminertanillu piginnittut ataatsimut marlunnik ataatsimiisitsisoqarpoq. Immikkoortumi periarfissat nutaat pillugit siunertarineqartut ilaatigut peqataasunut saqqummiunneqarput. Ataatsimiinneq siulleq pivoq 11.12.2018 tassanilu 15-it missaanni peqataapput, ataatsimiinnerullu aappaa pivoq 7.3.2019 tassanilu sisamat takkullutik. Immikkoortup ineriartortinneqarnissaa pillugu ataatsimut ataatsimiisitsinermi apeqqutit akissuteqarfigineqarnissaannut periarfissiivoq. Suliap ingerlanneqarnerani ammasumik ingerlanneqarnera peqataasunit tamanit pitsaasumik qisuariarfigineqarpoq.

Kommunimut pilersaarummut tapiliussassatut siunnersuut sapaatit-akunnerini arfineq-pingasuni tamanut tusarniaassutigineqassaaq, tamannalu najukkami kiisalu kommunip tusarniaanermut nittartagaatigut nalunaarutigineqassaaq.

Ingerlatsivinniit allaniit oqaaseqaatigineqartut

Soqanngilaq

Siusinnerusukkut aalajangerneq

Sanarfinermut Avatangiisinullu Ataatsimiititap 07. maajii 2019-imi aalajangernera:
Ataatsimiititap inassuteqaat akueraa

Ilanngussaq

1. Kommunimut pilersaarummut tapiliussassatut siunnersuut 1C38 Qullilerfik, Nuuk

IMMIKKOORTOQ 05G: 1C8-7 Nuummi illoqarfiup qeqqa (Oles varehus), Nuuk

Beslutning

Inassuteqaat akuersissutigineqarpoq.

Ilanngussat

1C8-7 KAL.pdf

1C8-7 Nuummi illoqarfiup qeqqa (Oles varehus), Nuuk

Kommunimut pilersaarummut tapiliussamut siunnersuut

Aalajangiiffigisassaq

J.nr.: 16.03.01.01-P16-1-19

Sanarfinermut Avatangiisinullu Ingerlatsivik - Pisortaq Hans Henrik Winther Johannse / HHWJ

Suliassamik eqikkaaneq

Kommunimut pilersaarummut tapiliussamut siunnersuutip immikkoortumut pioreersumut 1C8-mut nutaamik immikkuaaluttulersuivoq. Tassani B-282-ip pioreersup eqqaani, Oles Varehus, ataatsimik sanaartofilerneqassaaq, sanaartofissamik nutaamik peqalernissaanut ingitserinissamut periarfissaqalissalluni.

Illu nutaaq ilaatigut qulinik quleriilik sanaartorneqarsinnaavoq, assigiinngitsunik siunertalinnik soorlu pisiniarfinnik/ inuussutissarsiornermut hotelinullu/ najukkanullu atorineqassalluni.

Suliaq Sanarfinermut Avatangiisinullu Ataatsimiititap 07. maaji 2019-imi ataatsimiinnerani oqaluuserineqarpoq, ataatsimiititalu inassuteqaatit akuersissutigai suliarlu Aningaasaqarnermut Inuussutissarsiornermullu Ataatsimiititamut inaarutaasumik akuersissutigisassanngorlugu kiisalu Kommunalbestyrelsimut ilisimatitsissutitut ingerlateqqillugu.

Inassutigineqartoq

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- siunnersuut, Kommunimut pilersaarummut tapiliussatut 1C8-7 Nuummi illoqarfiup qeqqaniittuup (Oles Varehus) akuerineqarnissaa, Nuuk sapaatip akunnerini 6 pingasuni tamanut tusarniutigisassanngorlugu akuersissutigineqassasoq
- Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Kommunimut pilersaarummut tapiliussamut siunnersuutip immikkoortumut pioreersumut 1C8-mut nutaamik immikkuaaluttulersuivoq. Tassani B-282-ip pioreersup eqqaani sanaartofissaliorneqassaaq.

Siunnersuut illoqarfimmi Nuup qeqqaniittoq ulluinnarni Oles Varehusit ilisimaneqartumi B-282-ip toqqaviani nutarterinissamut periarfissanitsitsivoq. Illoqarfimmi nutarterinermi illumik pioreertumik nutarterinermik ilaqarpoq aammalu inissiatilimmik inuussutissarsiornermullu atasunik sanaartortoqarnissaanik ilaqarluni.

Illu siunnersuutigineqartoq pingasunik quleriilimmik aallaaveqarpoq kiisalu inissianik portusuuliaq qulinik qulereeqarluni. Illuliortaaseq taamaattoq Imanermi ilisimaneqarluarpoq, soorlu Nuuk Centeri, Grønlandskbanki, Teletårnilu taamatut illuliortaaseqartut.

Illuliami init naqqarliit Imanip tungaanut sammisumik ornigarneqartartussatut aqqissorneqassaaq, biilillu inissiffii qulisallit Aqqusinersuup tungaanut sammisut periarfissaasinnaasallutik. Illup aallaaviani inuussutissarsiornermik siunertalimmik atorineqassaaq, portusuuliamilu inissianik hotellitulluunniit siunertalimmik atorineqassalluni.

Siunnersuut malillugu immikkoortoq ineriartortinneqassaaq, suliniutit, eqqarsaatit pilersaarutillu Nuup qeqqanut pioreersut malillugit.

Aaqqiissutissatut siunnersuut – suliatigut naliliineq

Siunnersuutip Imanermi portusuunik inissialortitsinermi suleriuseq malippaa, Illoqarfimmi illoqannginnersaq 5-imut pilersaarutit kiisalu immikkoortumut Aqqusinersuup tungaanoortumut najoqqutassat pioreertut kommunimut pilersaarummut tapiliussami 1C8-6-imi akuerineqareersumi. Siunnersuummi illoqarfiup qeqqani annertuumik eqikkaaneruvoq, kisianni Ingerlatsiviup nalilerpaa illu immikkoortumut takujuminaallisitsilissanngitsoq, kisianni akerliani Nuup illoqarfiata qeqqanut nukittorsaataasasoq. Siunnersuut illoqarfiup qeqqanut uummaarinnerulertitsissaaq, assigiingitsunillu sukisaasartarfinnik inuussutissarsiornermullu tunngasunik illoqarfimmiusunut tikeraanullu neqerooruteqalissalluni.

Aningaasaqarnikkut sulisoqarnikkullu naliliinerit

Kommunimut pilersaarummut tapiliussamik suliaqarneq aningaasaqarnikkut kinguneqassanngilaq. Qanittuanilu ineriartortitsinissamut pilersaarutiniq arlalinnik peqalereerpoq, taamaattorli aqquserngini annertuumik artorsartitsisoqalernissaa naatorsuutigineqarsinnaavoq.

Inatsisitigut tunngavissaq allakkallu tunngaviusumik uppersaatitallit

Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17 imm. 17. november 2010-imeersoq
Inatsisartut inatsisissaat nr. 34 imm. 9. december 2015-imeersoq
Kommunimut pilersaarut digitaliusoq www.sermersooq2028.gl

Ingerlaqqinneq

Siunnersuut tamanut tusarniaassutigineqassaaq sap. ak. 6-imi.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Kommunimut pilersaarummut tapiliussassatut siunnersuut sapaatip akunnerini 6-ni tamanut tusarniaassutigineqassaaq, tamannalu Nuummi Nuuk Ugeaviisikkut kiisalu kommunip tusarniaanermi nittartagaatigut allagarsiutigineqassaaq.

Ingerlatsivinniit allaniit oqaaseqaatigineqartut

Soqanngilaq

Siusinnerusukkat aalajangerneq

Sanarfinermut Avatangiiisunullu Ataatsimiititap 07. maaji 2019-imi aalajangernera:
Ataatsimiititap inassuteqaat akueraa

Ilanngussaq

1. Kommunitum pilersaarummut tapiliussamut siunnersuut 1C8-7 Nuummi illoqarfiup qeqqani (Oles varehus), Nuuk

IMMIKKOORTOQ 05H: Meeqqanut aalisakkanik sapigalinnut meeqquvimmik allannortitsineq

Beslutning

Inassuteqaatit akuersissutigineqarput.

Meeqqanut aalisakkanik sapigalinnut meeqqerivimmik allangortitsineq

Aalajangiiffigisassaq

J.nr.: 28.00.00-G01-29-19

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Meeqperivimmik nerisassiornikkut aalisakkanik nerisassiortoqarfiunngitsumik pilersitsinissaq Meeqqanut Atuarfeqarnermullu Ingerlatsivimmit siunnersuutigineqarpoq.

Tamanna meeqqat arlallit aalisakkanik sapigaqarnerannik peqquteqarpoq, aamma ataatsimik meeraqarpoq aalisakkat nerisassiaralugit sularineqarnerini proteinii timaata qisuariarfigisagaanik. Timaata qisuariartarnera silaannarissaanikkut iluarsineq ajorpoq. Aamma immikkut ittuni ima pisoqarsinnaasarpog, meeqqat allat ippassaammat angerlarsimaffimmini aalisagartorsimappata aqaguani meeqqap taassuma qisuariarfigissavaa.

Meeraq aalisakkat proteiniinik pinaveersaartinniarlugu meeqqerivimmik aalisagartorfiunngitsumik pilersitsisoqarnissaa Meeqqanut Atuarfeqarnermullu Ingerlatsiviup siunnersuutigaa.

Suliaq Meeqqanut Atuarfeqarnermullu Ataatsimiititami 7. maj 2019 oqaluuserineqarpoq, tassanilu ataatsimiititamit siunnersuut akuerineqarpoq, sularlu inaarutigalugu Aningaasaqarnermut Inuussutissaqarnermullu Ataatsimiititamut Kommunalbestyrelsimullu akuerisassanngorlugu ingerlateqqillugu.

Inassuteqaatit

Meeqqanut Atuarfeqarnermullu ataatsimiititap Aningaasaqarnermut Inuussutissarsionermullu Ataatsimiititamut inassuteqaatigaa:

- Meeqqanut aalisagartorfiunngitsumik pilersitsisoqarnissaa siunnersuutigineqartoq akuerineqassasoq.
- suliaq Kommunalbestyrelsimut inaarutaasumik akuersissutigisassanngorlugu ingerlateqqinneqassasoq.

Suliassamik saqqummiussineq

Meeqperivimmik aalisagartorfiunngitsumik pilersitsisoqarnissaa kissaatigineqarpoq pissutigalugu aalisakkanik allaanerusumik sapigaqartut paarilluarneqarnissaat anguneqarusukkami. Matumani meeqqat sapigaqaraluartulluunniit ukioqatigisamisulli assigiimmik neqeroorfigineqarnissaat peqqutaavoq. Meeqperiviliartarnikkut ukioqatigisat peqatigalugit ineriartornissaq periarfissaavoq, taamaaliornikkut meeqqat inooqatigiinnertik suliaqartarnertillu siuariartuutigisavaat.

Aalisakkat pinngitsuinnissaat ajornakusoorsinnaavoq, tassami sulisut imaluunniit meeqqat allat ulloq sioqqullugu aalisagartornissaat inerteqqutigineqarsinnaannginnami. Aamma angajoqqaat aalisakkanik passussisimasut meeqqerivimmut meeqqaminnik aallernissaat inerteqqutigineqarsinnaanngilaq.

Aalisakkanik sapigaqartut qaqutigoortorujussuupput.

Aalisakkani sapigarineqartut sananeqaatit proteinit uunartumut patajaatsuupput

kissanneqarnerinilu qaqutigut ajortinneqarsinnaallutik. Ilaanni aalisakkat qalaartinneranit aalai

imaluunniit atisamut pisimasut pequtaallutik aalisakkanik sapigalinnut malunniuteqarsinnaasarpuit. Meeqqanut Atuarfeqarnermullu Ingerlatsivimmit nunap immikkoortuani nakorsaq attavigineqarpoq taassumalu oqaatigaa uppersarlugu aalisakkat proteinii sakkortuumik sapigalinnut timikkut qisuariarfigineqartartut, aamma Nuummi inoqartoq sapigaqarneri sakkortungaaramik aalisakkat proteinii atisamiittut timimikkut qisuariarfigisarlugit.

Aningaasatigut sulisoqarnikkullu naliliinerit

Pitsaanngitsumik kingunerisassaqaqanngilaq, taamaattoq ima kinguneqarsinnaavoq inuit taamatut sapigaqartut ataavartumik tapersorsornissaat pinngitsoorneqarsinnaasassasoq.

Inatsisitigut tunngavissaq allakkallu tunngaviusumik uppersaatitallit

Soqanngilaq.

Ingerlariaqqinnissaq

Meeqqanut Atuarfeqarnermullu Ingerlatsiviup inassuteqaatigaa meeqqeriveerannguaq Meeqqat aalisagartorfiujunnaassasoq.

Aningaasaqarnermut Allatseqarfimmit oqaaseqaatit

Tusarniarneqanngillat.

Innuttaasunik peqataatitsineq/attaveqaqatigiinneq

Aalisakkanik sapigalinnut meeqqerivimmik pilersitsinissaq pillugu Meeqqanut Atuarfeqarnermullu Ataatsimiititap akuersissuteqareerneratigut atuisunik ataatsimiititsinikkut eqqartueqatigiittoqassaaq.

Innuttaasunik peqataatitsineq/attaveqaqatigiinneq

Soqanngilaq.

Siornatigut aalajangerneq

Meeqqanut Atuarfeqarnermullu Ataatsimiititap aalajangernera 07. maj 2019-meersoq: siunnersuut akuerineqarpoq, suliarlu inaarutigalugu Aningaasaqarnermut Inuussutissaqarnermullu Ataatsimiititamut Kommunalbestyrelsimullu akuerisassanngorlugu ingerlateqqillugu.

Ilanngussat

Soqanngilaq

IMMIKKOORTOQ 05I: Kommuneqarfik Sermersuumut IT pillugu periusissiaq

Beslutning

Inassuteqaatit akuerineqarput.

Ilanngussat

IT-strategi-Kommuneqarfik-Sermersooq-2019-2021_25463 kal.docx.pdf

Kommuneqarfik Sermersuumut IT pillugu periusissiaq

IT pillugu ataatsimut tunaartaq

Ilisimatitsissut

J. nr.: 10.12.07

Suliffeqarfimmi Kiffartuussineq – Kommunaldirektøri Lars Møller-Sørensen / LMS

Suliassamik eqikkaaneq

Kommuneqarfik Sermersooq sorpassuartigut pitsaanerunissamik eqinnaannissamillu siuttoorusuppoq. Nutaaliorneq, ineriartortitsineq allannguerussuseqarnerlu pisariaqarput. Digitaliseeriinissaq pisariaqarpoq. Kommunimi immikkoortoq patajaatsoq ingerlalluartorlu innuttaasunit taamatut misigineqassappat tamakku pisariaqarput. Ullumikkut inuiaqatigiit tamakkiinerusumik ingerlasinnaapput IT-mik atortut tunngaviunerusut atorlugit immikkoortut pinngitsoorsinnaanngilluinnakkat soorlu atuarfeqarfik, innuttaasunik sullissivik pigaartoqarnerlu tapersersorluarneqarpata.

Kommunimi ataqatigiissumik pilersitsisoqassappat IT ingerlalluartoq ullumikkut pingaarnertut inissisimavoq. Matumani inuit kommunimi ulluinnarni sulisuusut eqqarsaatigalugit, aammali suliffeqarfiit namminersortullu kommune tamakkerlugu pitsaassuseqarluinnartumik kiffartuunneqarnissamik ingerlatsivinnit neqeroorfigineqarsinnaasut eqqarsaatigalugit. Taamaattumik kommunimi ingerlatsiviit assigiinngitsut tamakkerlugit IT-p pissusissamisut pitsaasumillu ingerlanissaanut Kommuneqarfik Sermersooq angisuumik akisussaaffeqarpoq. Aammattaaq kommunimi IT-mut tunaartarisaq peqqissaarullugu ingerlanneqassaaq. Tamanna aamma kommunimi IT-mi siunissami suliniutigiумаakkanut atuutsinneqarpoq, Kommuneqarfik Sermersuumi suliniutit digitaliusut pillugit assigiinnerusumik periuseqarneq eqqarsaatigalugu.

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsionermullu Ataatsimiititamut inassuteqaatigaa:

- IT-mik periusissiaq akuerineqassasoq
- periusissiaq inaarutaasumik akuersissutigisassanngorlugu Kommunalbestyrelsimut ingerlateqqinneqassasoq.

Suliassamik saqqummiussineq

Aaqqissuussaanerit suliallu ingerlanneqarnerisa killeqarfii tamakkerlugit ataqatigiissumik aaqqissuulluagaqarnikkut IT-qarneq aqutigalugu suliffiup avataani innuttaasunik sullissineq takorluugaqarluartutut inerisarneqarnissaanut kiisalu suliffiup iluani suleriaatsit ataqatigiilluartut anguneqarnissaannut toqqammaviliisoqassaaq. IT-qarnerup pilersaarusioneranut kommunip isumai ersarinnerullutillu annertunerujussuusussaapput, tassani Kommuneqarfik Sermersuumi suliffiup iluani sulisut aamma innuttaasut suliffeqarfiillu eqqarsaatigalugit automatiskiunerusumik nalinginnaasuunerusumillu sammisaqarnissaq tamakkiinerusooq teknologiikkut periarfissat atorluarneqarnerussallutik. Suliniutit tapersersuisuusut aalajangiiffigalugit pissarsiarisallu piviusunngortinneri uuttortarlugit – taamaaliortoqarneratigut atortorissaarutit akornanni ataqatigiinnerusumik tamakkiisumillu suleqatigiinnissaq anguneqassasoq qulakkeerneqarsinnaalluni.

Suleriaatsit suliffiullu iluani sulianik ingerlatsisarnerit Kommuneqarfik Sermersuumit pitsanngorsarneqarusupput. Ingerlatsivinni sullissinerit ilaatigut IT-mut tunngatillugu iluarsisuteqarnikkut sulisut allanik suliqaartinneratigut kommune tamakkerlugu pitsaanerulersinneqalissapput. Matumani kommune ammasuusooq digitaliseerigaasorlu pitsaassuseqarluartumik kiffartuussisoq sulisunit, innuttaasunit soqutigisaqatigiinnit misigineqarnissaa siunertaavoq. IT-mi suliniutit aningaasaliissutit missingersuutillu aalajangersakkat qaangernagit atortulersorneqassapput aqunneqarlutillu, taamaalillutik aningaasatigut killiliussat sipporneqassanngillat.

Kommunaldirektøri peqatigalugu IT pillugu periusissaliornissamut isumannaallisaaanermullu suleqatigiissitaliortoqarpoq, tassaniippullu pisortaqtigiit taavalu Kiffartuussigasuarterfimmi pisortaq. IT pillugu periusissiaq suleqatigiissitamit pingaarnertut akisussaaffigineqarpoq taamaalillutillu IT-mi suliniutiniittut ataatsimut ikorfartuisuusut tamaasa, matumani suliniutit –

tulleriissakkat aamma – suliniutini ataasiakkaani aningaasaqarnermut aaqqissuussaannerullu attuumassuteqartut ilanngullugit.

IT-qarnerup qitiusumit aqunneqarnerulernissaa pissasoq Aningaasaqarnermut Inuussutissarsiornermullu Ataatsimiititap kissaatigaa. Periusissiaq una pineqartoq 2019-imiit 2021-mut ingerlanneqartussat piffissalernerqartoq aallaqqaammut suliniutissat pilersaarutit sisamanik imaqtinneqarpoq:

- IT-qarnek sulisunik pitsaanerulersitsisoq
- Atortuuteqarfimmi ataqtigiinnerunissaq
- IT-mut suliniutit aqutsineq naleqartitanik pilersitsinertalik
- Kommuneqarfik Sermersuumi IT-mik aqutsineq

Suliniuteqarfigisassat saqqummiunneqartut suliarineqarnissai aallartinneqareerput.

IT pillugu periusissiaq tassanilu piunnaasaqataasut suliffiup iluani attaveqatigiinnermut immikkoortortamit malinnaavigineqassapput ersarissarneqarlutillu, matumani suliniutit aallarnissarnissaat PITINNAGU akuerineqarnissaannut piunnaasaqarnek aamma periusissiamut ilanngussaq 1-ip atornerqarnra ilanngullugit – IT pillugu paasissutissiinermi immersuiffik suliarineqassaaq IT-mullu suliniutit akuerineqarnissaannut tunngaviliissalluni. Taamaalilluni suliniutit aallartisinnginnarani IT-mut suliniutit ataasiakkaat akuerineqaaqqaartussat aningaasaqarneri ersarinnerulissapput.

Aaqqiissutissat siunnersuut – suliatigut naliliineq

IT pillugu periusissaliornissamut isumannaallisaanermullu suleqatigiissitap atorluarneratigut IT-mut suliniutinut IT-mullu ingerlatsineq nalinginnaasumut aningaasanik sulisunillu aqutsineq aaqqissuussatigut sammeneqassaaq.

Aningaasatigut sulisoqarnikkullu naliliinerit

Qitiusumit akuersisarnek suliniutillu pingaarnersiorneri ingerlanneqalerpata, IT-qarfimmi aningaasanik aqutsineq pitsaasumik sunniuteqarfigineqarnissaa naatsorsuutigineqarpoq.

Inatsisitigut tunngavissaq allakkallu tunngaviusumik uppersaatitallit

Inatsisit, malittarisassat nalinginnaasut politikkillu, soorlu IT-mi isumannaallisaanermut politikki aamma Nuna tamakkerlugu digitaliseeriinermut periusissaq, Kommuneqarfik Sermersuumi IT pillugu periusissamit malinneqarlunilu ataqqineqarpoq. Aammattaaq periusissiaq Naalagaaffiit Peqatigiit nunarsuarmi anguniagai marluk malillugit suliarineqarpoq, matumani "najukkami innuttaasut piujuartut aamma suliffissuit, nutaaliorneq attaveqarnerlu ukkataralugit" IT pillugu periusissiaq suliap ingerlanneqarnerani attuumassuteqartuulluni.

Ingerlariaqqinnissaq

IT-qarfiup qitiusumit aqunneqarnerulernissaanut ukiunut tulliuttunut IT pillugu periusissiaq Kommuneqarfik Sermersuumut tunngaviliissasoq aamma IT pillugu periusissaliornissamut isumannaallisaanermullu suleqatigiissitap aqutsinermut akisussaalissasoq.

Aningaasaqarnermut Allatseqarfimmit oqaaseqaatit

Oqaaseqartitsiniartoqanngilaq

Innuttaasunik peqataatitsineq/attaveqatigiinneq

Innuttaasunik peqataatitsineq pisariaqanngilaq

IT pillugu periusissaliornissamut isumannaallisaanermullu suleqatigiissitap suliassaqarfik pillugu attaveqatigiinnissamut pilersaarut akuersissutigissavaa

Ingerlatsivinniit allaniit oqaaseqaatigineqartut

Oqaaseqartitsiniartoqanngilaq

Ilanngussat

1. Kommuneqarfik Sermersuumut IT pillugu periusissiaq 2019 - 2021 ilanngussartalik.

IMMIKKOORTOQ 05J: Tunumi aalisarnermut ikaarsaariarnermi siunnersorteqarnikkut ersarissumik anguniagaqarnissaq pillugu aalajangiiffigisassatut siunnersuut

Beslutning

Inassuteqaat imatut oqaaseqaatitalerlugu akuersissutigineqarpoq:

Tunumi aalisarnermik ineriartortitsineq pillugu, tassunga ilanngullugu politikkikkut anguniakkat pillugit Borgmesterip Aalisarnermut, Piniarnermut Nunalerinermullu Naalakkersuisup suleqatiginissaa ataqatigiissassagaa. SBC-miit killiffik, aamma sinerissami qanittumi aalisarneq pillugu SBC-miit, Namminersorlutik Oqartussaniit kommunimiillu ataqatigiissakkamik suliniutit pillugit iliuusissatut pilersaarummik imaqassasoq.

Ilanngussat

Ilanngussaq 1.pdf

Tunumi aalisarnermut ikaarsaariarneq siunnerfeqartariaqarpoq.docx

Tunumi aalisarnermut ikaarsaariarnermi siunnersorteqarnikkut ersarissumik anguniagaqarnissaq pillugu aalajangiiffigisassatut siunnersuut.

Kommunalbestyrelsimut ilaasortap Peter Davidsenip (S) Kommunalbestyrelsimut siunnersuutaa

Aalajangiiffigisassaq

J.nr.: 01.01.07

Suliffeqarfimmud Kiffartuussivik - Kommunaldirektøri Lars Møller-Sørensen /LMS

Suliassamik eqikkaaneq

Kommunalbestyrelsimut ilaasortap Peter Davidsen (S) februarip 24-anni 2019

Kommunalbestyrelsimut aalajangiiffigisassatut Tunumi aalisarnermut ikaarsaariarnermi siunnersorteqarnikkut ersarissumik anguniagaqarnissaq pillugu siunnersuuteqarpoq.

Suliaq Kommunalbestyrelsip ataatsimiinnerani ulloq 12. marsi 2019 oqaluuserineqarpoq, tassani lu siunnersuut amerlanerussuteqartunit itigartitsissutigineqarpoq.

Siunnersuummik saqqummiussisup aallaqqaataanit Aningaasaqarnermut

Inuussutissarsiornermullu Ataatsimiititamat saqqummiunneqarnissaa kissaatigisimammagu, ataatsimiititamat saqqummiunneqarpoq.

Inassuteqaat

Suliffeqarfimmud Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatigaa:

- nunatta kitaani kangianilu aalisarnermut tunngasunik siunnersorteqarnermik suliat killiffiat pillugu ataatsimiititamat Sermersooq Business Council aperineqarnissaa akuerineqaqqullugu

Suliassamik saqqummiussineq

Kommunalbestyrelsimut ilaasortap Peter Davidsen (S) februarip 24-anni 2019

Kommunalbestyrelsimut aalajangiiffigisassatut Tunumi aalisarnermut ikaarsaariarnermi siunnersorteqarnikkut ersarissumik anguniagaqarnissaq pillugu siunnersuuteqarpoq.

Siunnersuuteqarnermut tunngavilersuut:

“Nalunngilarput Kommuneqarfik Sermersooq tunumi aalisarnerup inuussutissarsiutitut siuarsarnissaanik siunertaqartoq. Taamaammatt siuarsaaneq pitsaasoq angusaqarfiusorlu tunngavilissagutsigu ilisimasaqarluartumik ataavartumillu tunumi aalisarnermut ikaarsaariarnermi siunnersorteqartariaqarpugut.

Oqaluuserisassamik saqqummiussininnut tunngaviuvoq tunumiit aalisartunit saaffigineqarnera, ilaatigut allakkatigut, takuuk ilanngussaq 1 (bilag 1)

Sukumiinerusumik tunngavilersuutikka aamma tukuneqarsinnaapput, ilanngussami (bilag 2).”

Siunertaq:

“Tunumi aalisarnermut ikaarsaariarnermi ataavartumik siunnersorteqarnissaq AIA-mut pituutalimmik siunertaraara.

Tassami ilisimaaraarput tunumi aalisarnerup siuarsarneqarnissaa aamma naalakkersuinikkut kissaatigineqartoq.

Tamatumalu kinguneraa marts 30-ani 2017 borgmester Asii Chemnitz Narup aamma

naalakkersuisut sinnerlugit Aalisarnermut Piniarnermut Nunalerinermullu naalakkersuisoq Hans Enoksen Tunumi imaatigut inuussutissarsiornerup siuarsaavigineqarnissaa pillugu atsioqatipput.”

Aaqqiissutissatut siunnersuut – suliatigut naliliineq

Qinikkat Allatseqarfiata innersuussutigaa, siunnersuut ataatsimiititamut susassaqtumut ingerlateqqinneqassanersoq Kommunalbestyrelsimi aalajangerneqassasoq.

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

nunatta kitaani kangianilu aalisarnermut tunngasunik siunnersorteqarnermik suliat killiffiat pillugu ataatsimiititamit Sermersooq Business Council aperineqarnissaa akuerineqaqqullugu

Suliffeqarfimmut Kiffartuussivimmit innersuussutip tunuliaqutaa:

Sermersooq Business Council-ip inuussutissarsiornermut pilersaarutaa 2019, 2018 naalersoq Aningaasaqarnermut Inuussutissarsiornermullu Ataatsimiititamit akuerineqartumi ima allassimasoqarpoq:

SBC 2017-imiilli aalisarneq pillugu siunnersuisarnermik iluatsilluartarpoq, tassanilu aalisartut naligalugit pineqartarput, taavalu inatsimmut, tapiissutinut, anpartselskabinik pilersitsinerneq tunngatillugu ilitersorneqarnermut, sillimmatinut il. il. tunngatillugu ikiuuttoqarsinnaasarluni. SBC taamaammat taamatut suleriaaseqarneq 2019-imi ingerlateqqinniarpaq, tassungalu peqatigitillu Tunumi kitaanilu aalisarnermut sinaakkutaasumik atugassaritneqartut paasiniarneqarnissaat oqallisigitinnissaallu suli isiginiassallugu. Tamanna pissaaq aalisarnermik soqutigisaqartunut attaveqartarnerup ingerlateqqinneratigut.

Anguniakkat:

- *Tunumi Kitaanilu aalisartunik pikkorissartitsineq.*
- *Tunumi siunnersuineq aqqutigalugu anpartsfiskeriselskabiliornissamut tapersersuineq.*
- *Avammut tunisassiorneq annerpaaffianiitinniarlugu suliffeqarfiit/aalisakkeriviit aamma aalisartut/tunisassiortut akornanni ataqatigiissarisuuneq.*

Suliffeqarfimmut Kiffartuussiviup inassutigaa suliap taassuma killiffianik SBC aperineqassasoq.

Aningaasaqarnikkut sulisoqarnikkullu naliliinerit

Aningaasatigut sulisoqarnikkullu naliliinerit, suliap ataatsimiititamut susassaqtumut ingerlateqqinnissaanut, Kommunalbestyrelsip aalajangiinerani suliamut ilaatinneqassapput.

Inatsisitigut tunngavissaq allakkallu tunngaviusumik uppersaatitalit

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq § 13. Kommunalbestyrelsimi ilaasortap kialuunniit kommunip susassaqarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutininik saqqummiussinnaalluni. Ataatsimiititaliat borgmesterilu paasissutissanik taassuma piimasaanik, kommunalbestyrelsillu aalajangernissaanut inatsisitigut aalajangersakkat sukkulluunniit malinneqartussaataasut pillugit kommunalbestyrelsimut nalunaaruteqassapput.

Kommunalbestyrelsip suleriaasissaatut aalajangersagaq §3:

Ilaasortaq, kingusinnerpaamik ataatsimiiffissaq sioqqullugu ullut 14-it qaangiutsinnagit suliassamik suliarinneqqusilluni allakkatigut qinnuteqassaaq, suliassaq taanna borgmesterip ileqquusumik ataatsimiinnissap tullianut oqaluuserisassanut ilanngutissavaa.

Ingerlariaqqinnissaq

Kommunalbestyrelsip aalajangernera Qinikkat Allatseqarfianit allaffissornikkut suliarineqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinniit allaniit oqaaseqaatigineqartut

Ingerlatsivinnit allanit oqaaseqartitsisoqanngilaq.

Siusinnerusukkut aalajangerneq

Kommunalbestyrelsip aalajagiinera 12. marsi 2019-imeersoq.

Siunnersuut amerlanerussuteqartunit itigartitsissutigineqarpoq

Ilanngussat

1. Saaffiginnissut
2. Itisillineq

IMMIKKOORTOQ 05K: ”Ilinniagaqartut meerallit paaqqinnittarfinni meeqqatik paaqqinnittarfinniitinnissaannut pitsaannginnerusumik inissisimatinneqarnissaat, ilinniagaqartup inooqataata atorfeqarnera piinnarlugu” siunnersuut

Beslutning

Inassuteqaatit akuerineqarput.

”Ilinniagaqartut meerallit paaqqinnittarfinni meeqqatik paaqqinnittarfinniitinnissaannut pitsaannginnerusumik inissisimatinneqarnissaat, ilinniagaqartup inooqataata atorfeqarnera piinnarlugu” siunnersuut.

Kommunalbestyrelsimit siunnersuut

Aalajangiiffigisassaq

J.nr.:44.02.10.01

Meeqqanut Atuarfeqarnermullu Ingerlatsivik – Pisortaq Helene B Berthelsen / HEBE

Suliap eqikkarnera:

Meeqqanut Atuarfeqarnermullu Ingerlatsivik Kommunalbestyrelsimi ilaasortanit Siumut gruppianit siunnersuummik tigusaqarpoq:

- Ilinniagaqartut meerallit paaqqinnittarfinni meeqqatik paaqqinnittarfinniitinnissaannut pitsaannginnerusumik inissisimatinneqarnissaat, ilinniagaqartup inooqataata atorfeqarnera piinnarlugu

Meeqqanut Atuarfeqarnermullu Ingerlatsivik Ilinniartitaanermut, Kultureqarnermut, Ilageeqarnermut Nunanullu allanut tunngasunut Naalackersuisoqarfimmut apeqquteqaammik nassiussivoq, Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq pillugu § 9-ip nassuiaataa meeqqat utaqqisuniittut tulleriinnilersornerannut pingaarnersuineq pillugu imaqartumik.

Ingerlatsiviup apeqquteqaammimi aamma apeqqutigaa, taamani Namminersornerullutik Oqartussanit piumasaqaataasut Kommunalbestyrelsimit septembarip ulluisa 5-t 2018 akuersissutigineqartut, ilinniartuq tassaassasoq kisermaaqq imaluunniit aapaariittut tamarmik ilinniartut oqaaseqatigiit imatut allanngortinneqarsinnaanersut imaalillugit, ilinniagaqartut tamarmik qanorluunniit inissisimagunik paaqqinnittarfinni inissanut 110-nut ilinniagalinnut immikkoortinneqartunut ilanngussinnaassasut.

Naalackersuisoqarfimmiit akissuteqaat ilaatigut ima nipeqarpoq, meeqqat suli atualinngitsut pillugit inatsimmi § 9 kisiat malillugu pingaarnersuineq ingerlanneqassasoq. Kiisalu tunniussinermi isumaqatigiissut aalajangiussaqq atuussimasoq 1989-imiit tunniussinermi piumasaqaataasut tassaaginnartut, nalornissuteqarnermi taamaallaat Inatsisartut nassuiaassutit ilanngussatut atorfeqarsinnaasut. Kiisalu apeqqummut tunngatillugu tamanna qularnanngilluinnartoq, Inatsisartut § 9-imi pingaarnersuinermi ersarilluinnartumik allaaserinninnerat pissutigalugu.

Naalackersuisoqarfiup akissuteqaataa innersuussutigalugu, Meeqqanut Atuarfeqarnermullu Ingerlatsiviup innersuussutigaa, ilinniagaqartunut suliama pineqartunut maannakkumut suleriuseq atuutiinnassasoq.

Suliaq Meeqqanut Atuarfeqarnermullu Ataatsimiititami 7. maj 2019 oqaluuserineqarpoq, tassanilu ataatsimiititami inassuteqaatit akuerineqarput, suliarlut inaarutigalugu Aningaasaqarnermut Inuussutissaqarnermullu Ataatsimiititamut Kommunalbestyrelsimullu akuerisassanngorlugit ingerlateqqillugu.

Inassuteqaat

Meeqqanut Atuarfeqarnermullu ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Maannakkumut suleriuseq atuutiinnassasoq, kiisalu
- suliaq Kommunalbestyrelsimut aalajangiiffigisassanngorlugit ingerlatinneqassasoq

Suliamik saqqummiussineq

Kommunalbestyrelsimit siunnersuutigineqarpoq ilinniagaqartup inooqataata atorfeqarnera pissutigalugu ilinniagaqartut meerallit paaqqinnittarfinni meeqqamik paaqqinnittarfimmiitinnissaannut pitsaanginnerusumik inissisimatinneqassanngitsut. Siunnersuutip toqqammavia: (Kommuneqarfik Sermersuup nutserneqarnera)

"Sukkulluunniit tapersersortuarparput, ilinniagaqartut meeraat paaqqinnittarfinni inissaqarnissaat. Apeqqutaatinneqassanngilaq, ilinniagaqartup inooqataata atorfeqarnera pillugu qitornani paaqqinnittarfimmiitarnissaanut periarfissaqarnissaa. Sutigut tamatigut erseqqissaatigiuaannarparput, ilinniagallit atugarisaasa pitsanngorsarneqarnissaat pinngaartikkipput. Tamatumani aamma atuuppoq, ilaqutariit ingerlaannartumik tapersersorneqarnissaat periarfissaasa pitsaanerunissaat pineqartillugit. Ilinniagallit pingaartillugit politikikkikut suaaruteqarutta pisussaaitaavugut sapinngisarput tamaat nammataannik oqilisaatissallugit. Aamma sukkulluunniit qulakkeertussaavarput, ilinniagaqartut meerallit atugarisaat pitsaanerpaamik qulakkiissallugit. Taamaattumik pissusissamisuunngilaq, ilinniagaqartoq meeralik tulleriissaarinnermi kingullinngortinneqarnissaa, ilinniagallip inooqataata atorfeqarnera piinnarlugu akerlianilli atugarisaannik kivitsiniarneq pinngaartinneqartussaavoq. Kommune pisussaaitaavoq inuit sulisinnaanngitsut ikiussallugit. Immini ajoqutissaqanngilaq, ilinniagalinnit meeraasut paaqqinnittarfinni inissisinneqarnissaat kisianni tassa Siumut isumaqarpoq, pinngaartissagipput, ilinniagallit ilinniakkaminnik naammassinnittut amerlinissaat. Taamaattumittaaq apeqqutaasariaqanngilaq, ilinniagalik atorfilimmik inooqateqarnera, ilinniagalik pisinnaatitaaffeqarpoq, ilinniagallip pisinnaatitaaffii naapertorlugit. Taamaattumik Siumut gruppiannit siunnersuutigaarput, ilinniagallip pisinnaatitaaffii naapertorlugit qitornami paaqqinnittarfimmiitarnissaanut aalajangiusimaneqarnissaa apeqqutaatinnaguli ilinniagalik atorfilimmik inooqateqarnera".

Januaarip aallaqqaataani 1989 Nuup Kommuneata ulluunerani paaqqinniffiit Namminersornerullutik Oqartussanit pigineqartut pingasut tiguai, tigusinnermi paaqqinnittarfinni inissat katillugit 110-t ilinniartut meeraannut immikkoortinneqarnissaat pimasagaataalluni Paaqqinnittarfiit pingasut taaneqareersut tiguineqarneranni, aamma siunnersuutaavoq ilinniagaqartoq tassaassasoq kisermaaq imaluunniit aappariit tamarmik ilinniartuusut. Kommunalbestyrelsimit siunnersuutit tamarmik akuersissutigineqarput septembarip ulluisa 5-t 1988.

Periusissiaq taamani akuerineqartoq suli ullumikkut atuuppoq. ilinniartut uani pineqartut meeraannut inissat 110-t tamarmik atorneqanngippata, sinneri meeqqanut utaqqisut allattorsimaffianiittunut pingaernerisiuineq § 9 –mi allassimasoq malillugu inersuunneqartarput:

- 1) Ataatsimoortut a: Meeqqat - isumaginninnermut ataatsimiititaliamit innersuunneqartut - immikkut perorsaanikkut pisariaqartitsinertik pissutsilluunniit allat meeqqap inerikkiartorneranik ulorianartorsioertitsisinnaasut pissutigalugit.
- 2) Ataatsimoortut b: Meeqqat meeraaqqerivinniit kommunimiluunniit angerlarsimaffimmi paarsisarfinniit meeqqerivinnut ukiutik pissutigalugit nuuttussat.
- 3) Ataatsimoortut c: Meeqqat suliffeqartunik imaluunniit ilinniartunik kisermaajusunik pilersorneqartut.
- 4) Ataatsimoortut d: Meeqqat pilersuisuii tamarmik suliffeqartut imaluunniit tamarmik ilinniagaqartut.
- 5) Ataatsimoortut e: Meeqqanik pilersuisup aappaa suliffeqartoq imaluunniit angajoqqaap aappaa ilinniagaqartoq.
- 6) Ataatsimoortut f: Meeqqat pilersuisuii allallu, tassunga ilanngullugit kisimiittut, tamarmik suliffeqanngitsut imaluunniit ilinniagaqartuunngitsut.

Meeqqanut Atuarfeqarnermullu Ingerlatsivik Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoqarfimmut Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq §9-ip nassuiaataa pillugu apeqquteqarpoq. Apeqquteqaammi

pineqarpoq, Inatsisip pineqartup §9-ata nassuiaataa qanorpiaq paasineqarsinnaanersoq, kiisalu meeqqanik paaqqinniffinnut isaatitsinermit, ilinniartut uani pineqartut meerai , inatsimmi pineqartumi §9 unioqutinnagu salliuinneqarsinnaanersut.

Ingerlatsiviup apeqquteqaammini aamma apeqqutigaa, taamani tigusermut atatillugu Namminersornerullutik Oqartussanit piumasaqaataasut Kommunalbestyrelsimit septembarip ulluisa 5-t 2018 akuersissutigineqartut, ilinniartuq tassaassasoq kisermaa imaluunniit aapaariit tamarmik ilinniartuusut, taakkua allangortinneqarsinnaanersut, ilinniagaqartut tamarmik qanorluunniit inissisimagunik paaqqinnittarfinni inissanut 110-nut ilinniagalinnut immikkoortinneqartunut ilanngussinnaalersillugit.

Ilinniartitaanermut, Kultureqarnermut, Ilageeqarnermut Nunanullu allanut tunngasunut Naalakkersuisoqarfik marsip ulluisa 11-t 2019 tassunga imatut akissuteqarpoq:

"Saaffiginnissutinnit takuneqarsinnaavoq, § 9-imi atualertussat pillugit inatsit naapertorlugu immikkut nassuiaanissamut periarfissaqarnissaq pineqartoq, suunuku januaarip ulluisa aallaqqaataat 1989-imi Nuuk kommunianut suliffeqarfiit pingasut tunniunneqarmata Namminersornerullutik Oqartussanit piumasaqaatit aalajangiunneqartut. Inatsisitigut tunngavigineqartoq tassaavoq, taamaallaat pingaarnersiuneq tunngavigalugu meeqqat suli atualinngitsut pillugit inatsit § 9 malillugu iliuuseqarnissaq. Tunniussinermi isumaqatigiissumiaalajangiussat tassaput 1989-imi tunniussinermi atugassarititaasut pillugit nalorngissuteqarnermi inatsisitigut nassuiaatinut taamaallaat ila nngunneqarsinnaasut. §9-mi Kiisalu apeqqummut tunngatillugu tamanna qularnannngilluinnarpoq, Inatsisartut § 9-imi pingaarnersiunermit ersarilluinnartumik allaaserinninnerat pissutigalugu.

Taamaattumik § 9-imi pingaarnersiuneq qimerloorneqartariaqarpoq. Tunniussinermi piumasaqaatit 1989-imeersut allangortinneqarnissaat patsisissaqanngilaq.

Nalinginnaasumik inatsisitigut maleruagassiat Inatsisartut Inatsisaannit ilusilersugaq Inatsisartunit akuersissutigineqartoq, malittarisassanit pingaarnesuvoq isumaqatigiissutigineqartunut naleqqiullugu. Tamatuma nalinginnaasumik Inatsisitigut nassuiaariaatsini tunngaviit malinneqarput. Allatut oqaatigalugu taamaallaat Inatsisartut Inatsisaat maliinneqassaaq assersuutigalugu isumaqatigiissutini aalajangersakkat Inatsimmut naapertuutinnngitsut isiginngitsuusaarlugit".

Aaqqiissutissatut siunnersuut – suliatigut naliliineq

Meeqqanut Atuarfeqarnermullu Ingerlatsiviup suliatigut naliliinera imaappoq, suliamut eqqartorneqartumut tunngatillugu tassaasumut, ilinniagaqartussap inooqataata atorfeqarnera patsisigalugu meeqqanik utaqqisunut inissiisarneq allangortinneqarsinnaanngitsaq, takuuk § 9 Inatsisartut Inatsisaat atuuttoq Naalakkersuisoqarfimmit akissut tunuliaqutigalugu. Tamatumalu kinguneranik ilinniartut suliffilimmik aappallit meeraasa utaqqisunut inissinneqartarnerannut suleriuseq ullumikkut atuuttoq atuutiinnassasoq.

Aningaasaqarnikkut sulisoqarnikkullu naliliinerit
Soqanngilaq

Inatsisitigut tunngavigisat allagaatillu uppersaaitallit

Meeqqanut suli atualinngitsunut perorsaannikkut inerikkiartuutaasut ulluunerani neqeroorutit pillugit Inatsisartut inatsisaattut siunnersuut nr.16,3.december 2012-meersoq.

Ingerlaqqinneq
Soqanngilaq

Aningaasaqarnermut Allattoqarfimmit oqaaseqaatit

Aningaasaqarnermut Allattoqarfimmit oqaaseqartitsisoqarsimannngilaq.

Innuttaasunut akuutitsineq/attaveqarneq

Soqanngilaq

Siornatigut aalajangerneq

Meeqqanut Atuarfeqarnermullu Ataatsimiititap aalajangernera 7. maj 2019-meersoq:

Inassuteqaatit akuerineqarput

Ilanngussat

Soqanngilaq

IMMIKKOORTOQ 6: Taasariaqartut allat

Beslutning

Peter Davidsenip (S) Tasiilami Meeqqanut Ilaqutariinnullu suliassaqarfimmut Danmarkimiit ikiorneqarnissamut tunngatillugu Borgmesterimiit Borgmesteriugallartumiillu ersarissumik nalunaarutiginnittoqannginnera uggorivaa.

Jens Kristian Berthelsenip (S) Tasiilami Meeqqanut Ilaqutariinnullu suliassaqarfimmit kukkussutaasimasut peqqissaarussamik qulaajarneqassasut kissaatigaa.

Justus Hansenip (D) kommunip sulinermi nipangiussisussaataitanermut tunngasuni malittarisassiaa eqqumaffigeqquaa.

Henrik Rachlev (IA) Neriutigaara utoqqaat illuata nutaap ammaanersiornissaanut ulluliussaq eqquutsinneqassasoq.

IMMIKKOORTOQ 7: Suliat matoqqasut

IMMIKKOORTOQ 07A: Lukket

IMMIKKOORTOQ 07B: Lukket

IMMIKKOORTOQ 07C: Lukket

IMMIKKOORTOQ 07D: Lukket

IMMIKKOORTOQ 8: Imaqarniliap akuerineqarnera

Beslutning

Imaqarniliaq akuersissutigineqarpoq nal. 17.08